


PHEHELLA

 Hangata e phatlalatse e le hore u tsebe ho hopola moo e leng teng. Re batla ho bala ho Mattheu, khaolo ea 15 ea Mattheu, ho qala ka temana ea 21.

Eaba Jesu o tloha moo, 'me a ea naheng ea Tire le Sidone.

'Me, bonang, mosali oa Mokbanana a tsoa naheng eo, 'me a hoeletsa ho eena, ho re, Nkutloele bohloko, Morena, uena mora Davida; morali oa ka u tsoenngoa hampe ke modemona.

Empa a se ke a mo araba letho. Barutuo ba hae ba tla 'me ba mo rapela, ba re, Mo leleke; hobane o lla kamora rona.

Empa a araba 'me a re, Ha ke a romeloa haese ho linku tse lahlehileng tsa ntlu ea Iseraele.

Eaba mosali o a tla 'me a mo khumamela, a re, Morena, nthuse.

Empa a araba 'me a re, Ha ho a tsoanela ho nka bohobe ba bana, le ho bo akhela lintja.

'Me a re, Kannete, Morena: leha ho le joalo lintja li a ja . . . makumane a oang tafoleng ea monghali. Eaba o re . . .

Eaba Jesu a araba 'me a re ho eena, Mosali, tumelo ea hau e kholo: a ho etsoe ho uena kamoo u ratang kateng. 'Me morali oa hae a fola ho tloha ka eona nako eo.

² Ha re inamiseng lihlooho tsa rōna joale bakeng sa thapelo. Kea ipotsa, bosiueng bona, ka lihlooho le lipelo tsa rona tse inameng, haeba ho ka ba le motho mona ea ratang ho hopoloa thapelong. Na u ka e tsebisa ha u phahamisetsa matsoho a hau ho Molimo, ho re, “Ke na le tlhoko, Morena, ke rapela hore U tle u nthuse.” Morena a u hlohonolofatse.

³ Ntata rona ea Leholimong, joale re sa atamela Botlotlehi ba Hau, ka Lebitso la Morena Jesu, hobane O re boleletse, “Haeba le kopa Ntate eng kapa eng ka Lebitso la Ka, le tla e neoa.” Re tla ka tumelo eohle eo re nang le eona, re lumela hore U tla re araba ho ea ka litlhoko tsa rona, bosiueng bona, ka ha li le ngata. U bona matsoho a bana ba Hau mohahong 'ohle mona, ha ba phahamisa matsoho a bona. 'Me ke Uena feela ea tsebang se neng se le ka tlas'a pelo. Ke rapela hore U tla ba araba, Ntate, bosiueng bona. 'Me takatso e 'ngoe le e 'ngoe eo ba nang le eona, e ke e neeloe bona kajeno.

4 Re rapella ba sa pholosoang 'me ba sa U tsebe joaloka Mopholosi oa bona. Re rapela hore ba U amohele, bosiuung bona, 'me ba fumane bokhoni-bohle boo ba tlamehang ho bo fumana horeng ea lefu.

5 Ba bangata mona mohlomong ba seng ba U amohetse, 'me ba eso tlatsoe ka Moea oa Hau. Re a rapela, bosiuung bona, hore U tle u tšele ka ho bona nala ea Moea o Halalelang, hore e tle e be bahlanka ba Hau lihoreng tsena tsa ho qetela tsa nalane ea lefatše.

6 Folisa bakuli bohle le ba mahlomoleng, Morena. U tseba tlhoko ea bona.

7 'Me re rapela hore Boteng ba Hau bo tle har'a rona, bosiuung bona, hoo re tla U elelloa joaloka Morena oa rona ea tshileng bafung. 'Me ha tšebeletso e koetsoe, 'me re ea malapeng a rona, re tle re tsebe ho buisana hara rona, ho bua joaloka ba neng ba etsoa Emmause tsatsing leo, ho re, "Na lipelo tsa rōna li ne li sa chese ka hare ho rōna, ha A ntse a bua le rōna tseleng?" Hoba ba entsoe hore ba U tsebe ka pontšo e itseng eo U e entseng pele ho thakhiso ea Hau. 'Me hoba U tsohe, U ne u le Jesu eena ea tšoanang, o etsa lintho tse tšoanang. Le rona re pake ka ho tšoana, bosiuung bona. Ka Lebitso la Jesu, rea rapela. Amen.

Le ka lula fatše.

8 Ke nkile nako ea ka e felletseng mantsiboeng a fetileng, ka sehlooho sa *Re Batla Ho Bona Jesu*, le ka mor'a ho hlalisa boemo ba likopano le mokhoa oa ho e amohela, ka tloaelo Moena Borders o tla etsa joalo ho baeti bosiu ho bong le bo bong ho tloha joale. Ke ile ka nka nako eohle ea ka, ho isa ho mashome a mararo ka morao ho robong, 'me ha ke rate ho emisa batho ba letile. Mantsoe a 'maloa feela, ho tloaelana, 'me ebe Mantsoe a Morena a bolela. . . Hang, ha A bua, e bolela ho feta kamoo mang kapa mang a ka buang bophelong bohle ba hae, Lentsoe le le leng feela le tsoang ho Eena.

9 Ke lakatsa ho nka kamoo ho etsahetseng, bosiuung bona, sehlooho sena se tsoang palong ea Lengolo leo Molimo a re fileng lona mona e le moelelo. A ke a re fe eona. Ke batla ho nka lentsoe le le leng: *Phehella*.

10 Lentsoe, ho ea ka Webster, lintlheng tse ling tseo ke li ngotseng mona, le bolela "ho tiisetša," ho *phehella*, 'me, ke hore, ho finyella pheo; "ho tiisetša," 'me hoo ke ho *phehella*.

11 Monna oa mengoaha eohle, ea nang le tumelo ho seo ba lekang ho se fihlela, o ile a phehella. Ha ho motho ea ka phehellang a sa tsebe pele seo a lekang ho se fihlela. 'Me pele u tlameha ho tseba seo u lekang ho se fihlela, 'me le ho ba le tumelo ea hore u tla fumana seo u se lekang. 'Me seo se etsa hore u tiisetse, ntho eo u tsebang e le 'nete.

12 Tumelo e theiloe ka tsela eo. Tumelo ha e a thehoa tšōmong le holim'a ntho e itseng, be, e reng feela, "e-ea etsa sena kapa ho etsa *sane*," ka mantsoe a motho e mong. Empa tumelo e nka sebaka sa eona sa phomolo sa Bosafeleng holim'a Lentsoe la Morena, holim'a Lentsoe la Molimo, e leng Bibelet.

13 Joale re lumela Bibelet e le Lentsoe la Molimo le sa foseng. Re lumela hore Ke tšenolo eohle ea Jesu Krete; ho Itšenola Selekaneng sa Khale, ka baporofeta; Molimo o Itsebisa ka Mora oa Hae, Krete Jesu, 'me ka ho Eena ho ne ho ahile botlalo ba Bomolimo, ka 'mele. O ile a thakhisoa ka lebaka la libe tsa rōna; a shoa, a epeloa, a tsoha ka tsatsi laboraro, a nyolohela Leholumong, le ho khutlela mona hape ka Lebitso la . . . Ka sebopelo sa Moea o Halalelang, Molimo o ahileng . . . Khetlole leng, Molimo holim'a rona; ka ho Krete, Molimo o na le rona; joale Molimo ka ho rona. Ke Molimo o sebetsang ka tsela ea Hae ho khutlela ho motho, ho rapela, ho khumameloa ka motho, boemeli ba Molimo. Molimo ha o etse letho haese hore motho e be moemeli oa Hae, mothusi oa Hae.

14 'Me joale motho ea bileng le tumelo ho Molimo, o 'nile a tiisetse ruri seo ba lekang ho se etsa. 'Me re nka motho oa mehlahlōe eohle ea bophelo.

15 Mohlala, George Washington, mona Valley Forge. Ka mor'a ho rapela bosiu bohle lehloeng, ho fihlela linokeng tsa hae, a kolobile ho fihla thekeng la hae, 'me noka e tletse leqhoa. Empa a bona pono ho tsoa ho Molimo, a qhautsa tumelo, e reng Molimo o ne o tla mo fa tlhōlo. 'Me e—e noka e le . . . ho ke ke ha ba le leqhoa le lengata ho fetisang ho eona, koana. Leha karolo e kaholim'a peli- tharong ea lebotho e ne sa roala lieta maotong. Maoto a bona a ne a phuthetsoe ka masela, ba eme serameng seo. Empa leha ho le joalo a utloa pelong ea hae hore Molimo o mo file tlhōlo. O ne a rapetse ka botlalo. Letsatsi le hlahlamang, rea tseba, likulo tse tharo tsa musket tsa phunyeletsa jase ea li sa mo ama. 'Me noka ha e ea khona ho mo thiba, le tholoana ea sethunya sa musket ha e a khona ho mo thiba. O ne a tiisetse, hobane o ne a rapetse ka botlalo. 'Me o ne a ena le tumelo ho seo a neng a se etsa, ho Ea neng a mo etella pele, e neng e le Molimo.

16 Ha ho letho le tla emisa monna ha a—ha a phehella, ha a tseba seo a se etsang, 'me a na le tumelo ho seo a lekang ho se fihlela.

17 E 'ngoe ea lipale tsa khale ka ho fetisisa ka Bibeleng, e 'ngoe ea tsona, e ne e le Nohe. Nohe e ne e se motho ea fapaneng. E ne e le monna ea tloaelehileng, mohlomong e le sehoai.

18 'Me lefatše le ne le le khopo, joaloka kajeno, le tletse mahlale le batho ba baholo. Ba hlhile ho bara ba Kaine. Bara ba Seta e ne e le balisa ba ikokobelitseng, lihoai. Empa bara ba—ba Kaine e ne e le banna ba bohlale, lihahi, le—le baqapi, le boramahlale, ba bohlale ruri, ba bolumeli ba sebele. 'Me ba ne ba bolokile

sebopeho sa bona sa borapeli, ba mpa ba latola, joaloka le kajeno, matla a Molimo.

¹⁹ 'Me Nohe e le monna ea lokileng pel'a Molimo, ka tsatsi le leng Molimo oa kopana le eena naheng 'me oa bua le eena, 'me oa mo laela ho haha areka, hobane O ne a tlil'o timetsa lefatše ka metsi.

²⁰ Joale hoo ho ne ho le khahlano ka ho felletseng le litekanyo tsohle tsa mahlale tsa mehleng eo. Le a bona, pula e ne e eso ne. Ho se—ho se mongobo moeeng. 'Me Molimo o ne o nosetsa lefatše ka morero oa nosetso, holim'a lefatše, ka liliba. 'Me ho se metsi bakeng sa ntho e joalo, ho se metsi maholimong.

²¹ Saense mehleng eo mohlomong e ne e le bokhoni ho feta. Ba sibolotse ho feta kamoo ba—ba ka hlahosang kajeno. Ba haha piramide Egepete, li-sphinxes. Ba ke ke ba haha seo hape. Majoe ao holimo moeeng, ha re na letho ho le beha mono ka lona, kapa ha ho matla ho a phahamisa. Empa ka mokhoa o itseng ba khonne ho e phethisa matsatsing a Henoke le Nohe, pele ho moroallo. 'Me mohlomong ba tsoibilela khoeling, 'me mohlomong ba e-na le borasepakapaka, le joalo-joalo. Ha re tsebe.

²² Empa Jesu o itse, "Joalokaha ho bile mehleng ea Nohe," tsoelopele e bohlale joaloka mehleng eo, "ho tla ba joalo le ho tleng ha Mora motho."

²³ 'Me joale mohlomong bona, lipatlisisong tsa bona tsa mahlale, ba—ba fumane ho hong mono ba ka ritela 'mala o neng o tla tšoarella ho fihlela kajeno, dae ea mofuta, e sa hlapholoheng le ka mohla.

²⁴ 'Me ba ne ba ka noka 'mele, ho hlophisa setopo, se shebahale e le sa tlhaho; le kajeno, ka mor'a lilemo tse likete tse 'nè, li ntse li shebahala ka tlhaho. Re ka sitoa ho etsa hoo le haeba re tlameha. Ha re na letho ho e etsa ka lona. Re lahlehetsoe ke bonono boo, bonono bo bongata bo boholo ba bona.

²⁵ Ha ho pelaelo ba ne ba e-na le lisebelisoa tse ka pakang ho se metsi moeeng. 'Me monna enoa a fihla, khahlano le mahlale, 'me a re, "Metsi a tl theoha maholimong."

²⁶ Joale, mahlale a ne a ka qotsa sesebelisoa 'me a thunyetsa moeeng, le ho re, "Sheba mona, Nohe, bala sesebelisoa sena. Ho hlahisoa mona holim'a barometer ena mona, haeba metsi a le teng holimo mono, kapa che, 'me ha a eo. Joale uena u re a teng holimo mono, koana lipatlisiso tsa mahlale li bontša a le sieo."

²⁷ Seo ha sea ka sa thibela Nohe. O ne a tiisetsa. O tsebile hoba Molimo o itse, "Pula e tla na," 'me Molimo o ne o khona ho rathola pula holimo mono haeba A itsalo. O ne a tla e etsa, ho sa tsotellehe haeba e ne e le teng kapa che. Ka baka leo a tiisetsa hoba a tsebe Lentsoe la Morena.

28 'Me ha motho a tseba Lentsoe le thato ea Molimo, u a tiisetša. U ba le phehello. Ho sa tsotelehe seo mahlale a se buang, "Be, ba ke ke ba etsa *sena*, ba ke ke ba etsa *sane*," u a e tseba, leha ho le joalo. U tšoare Ntho, 'me Ntho eo e u tšoare. Le ntse le phikoloha hammoho. Uena, ntho e 'ngoe e teng ka eona, ha u khone ho e hlalosa. Ho sa tsotelehe e bonahala e se 'nete hakae ho ea ka mahlale, koana Ntho e 'ngoe ka ho eona e u bolella hoba ke Molimo, 'me ha ho letho le tla e thibela.

29 Ka hona re fumana Nohe a ile a otlaka hantle holim'a areka, ho sa tsotelehe bopaki bo bokae ba mahlale, "ho ne ho se joalo, 'me ho ne ho se pula." 'Me a e lumela leha ho le joalo, hobane o ne a utloile Lentsoe la Morena.

30 'Me ke hona moo ka ho shoelella tumelo e itšetlehileng holim'a, HO RIALO MORENA.

31 Moshe, monna e mong e moholo, ea masene ea neng a holisitsoe, a tsoaletsoe lefatšeng bakeng sa phihlello e itseng ea Molimo. 'Me o lekile ho fihlela sepheo sena ka liketso tsa hae tsa mahlale. Re rutoa le ho bolelloa ke nalane hore e ne e le moetapele e moholo oa sesole, 'me tsela ea hae feela ea ho etsa eng kapa eng, eona, e le ho bolaea. A le bohlale a bile a ka ruta Baegepeta ba masene, bohlale. Ka bohlale bohle ba hae le tsohle tseo a neng a li tseba, empa a hloleha, a hloleha habohloko, ho finyella seo Molimo a neng a rerile ho se etsa. 'Me ha a fumana phoso ea hae, ka ho bolaea Moegepeteta le ho mo pata lehlatheng, le ho utloa khalemelo ea ngoanabo, kapa potso, "Na u tla re bolaea joalokaha u bolaile Moegepeteta?" Ka mor'a sena, Moshe a mathela lefeelleng, moprofeta oa 'malehi.

32 Kamora lilemo tse mashome a mane lefeelleng, tsa Molimo o mo ruta ho mo tapolla lintho tsa lefatše, ho ea mohopolong oa Molimo; ho nka lengolo lohle la hae la bongaka, le ntho e 'ngoe le e 'ngoe, hole le eena, ho fihlela A ka sebetsa ho kena pelong ea hae.

33 Eitse ha A se a lokisitse thepa, tsatsi le leng a sa alositse manku mots'eho ho lehoatata, tsela ea khale e tloaelo, a fumana sefate se tukang.

34 Moshe, kaha e ne e le ramahlale, ha a ka a e atamela ka mokhoa oa ramahlale. Haeba u ka eelloa, haeba e ne e le ramahlale, a ka be a itse, "Joale ke tla khola mahlaku a mang sefateng seo, le ho li theolela laboratoring le ho fumana ebe se fafalitsoe ka eng, lebaka leo a tukileng ka lona 'me a sa cha." Holane a etsa joalo, etlaba o ne a e-so itokise.

35 Empa seo a se entseng, a Se atamela 'me a rola lieta tsa hae, a khumama ka mangole a hae 'me a qalella ho bua le Sona, hobane a tsebile hore E ne e le matla a ka holim'a hloleho. Teng ha tsoa Lentsoe la Morena, le re, "Ke utloile mefehelo ea sechaba sa Ka, 'me Ke hopola Lentsoe la Ka. Ke u romela ho theoha ho ea ba lopolla."

36 Joale ka nako tse ling, tseleng ea mosebetsi, Molimo o bitsa motho oa Hae ho etsa lintho e leng bohlaya feela kelellong ea tlhaho. O ba etsisa ntho e fetohang litšeho ka botlalo. Mohlala, ho ka thoe'ng holane Moshe a hlōleha, joaloka mohlankana oa lilemo tse mashome a mane, monna oa sesole; 'me terone, leoto la hae le le holim'a eona, le makhotla 'ohle a Egepeta tlas'a taolo ea hae? Le ho hloleha ho etsa seo, 'me ke enoa a theohela Egepeta, hoseng ho hlahlamang, ka mor'a ho kopana le Lengeloi lena sehlahleng, a nka letho letsohong la hae haese thupa ea khale e khopameng e tsoang lehoatateng, le mosali oa hae a lutse holima 'moulo, le Gershome lethekeng la hae, litelu tse tšoeu li lepelletse lethekeng la hae, mohlomong. O ne a le lilemo tse mashome a robeli. Hlooho ea hae e lefatla e phatsima letsatsing, le molamu letsohong la hae, mahlo a hae a leletse nqa leholimong, ka pososelo melomong ea hae.

Ekaba motho o itse, “Moshe, u ea kae?”

A re, “Ke theohela Egepeta, ho ea hapa.”

37 Athe o sitiloe ho e etsa ka sesole, o tla e etsa joang ka molamu o khopameng? “Oh, monna, u lahlehetsoe ke kelello. U a—u fapane hlooho.”

38 E ne e le tlhaselo ea monna a le mong. Empa taba e le ena, o e entse, hobane leo e ne e le Lentsoe la Morena. 'Me Moshe o ne a ikemiselitse, ho sa tsotelehe likemo-khahlano tsa hae e ne e le life. Molimo o ne a e-na le eena, 'me O ne a ferisa ka boholo litšitiso tsohle.

39 Holane banna le basali ba ka nahana hoo feela bosiuang bona, hore Lentsoe la Morena ke 'Nete! Ha ho letho lesele. Bosafeleng bohle bo itšetlehile holim'a Lentsoe. “E seng Lentsoe le le leng,” Jesu o itse, “le tla hloleha. Maholimo le lefatše li tla etsa, empa lona Le ke ke.”

40 Moshe a theoha. 'Me a tiisetsa haholo ha a lahlela lere la hae fatše, 'me la fetoha noha.

41 Eaba o kopana le baetsisi. Taba e sa ntseng e lika-lika tseleng ea Molimo, motho ea leakang ho etsisa se seng. 'Me baetsisi ba nyoloha ba e fetola pontšo, ba lahlela melamu ea bona fatše.

42 Moshe o tsebile Eo a buileng le eena. O tsebile Eo a neng a mo lumetse, 'me a khotsoe hobane O ne a le bokhoni boloka seo a se laelitseng ho Eena horeng eo. Moshe a ema a ikhutsetsa. Eaba noha ea Moshe e metsa noha ea baupelli.

43 'Me rea rutoa hoba seo se tla ipheta hape, mohlomong e se ka ho tšoana, empa se tla ipheta hape matsatsing a ho qetela. “Hobane joalokaha Janese le Jambrese ba hanyelitse Moshe, le bona ba tla hanyetsa 'Nete joalo.”

44 Moshe o ne a tiiselitse, hobane o ne a atlehile, ka HO RIALO MORENA e e setseng morao, “Ke tla ba le uena.”

45 Davida, ea emeng pel'a Saule, letsatsi le leng. 'Me a utloa Goliathe a tsoa a hlaha holim'a leralla, senatlahali se menoana ea li-inchi tse leshome le metso e mene. 'Me letsohong la hae a tsoere lerumohali, la boholo ba nalete ea molohi, le ka ba maoto a mashome a mabeli kapa a mararo, lerumohali ntlheng ea lona, kapa, ntlha, e le borase. Nahana feela hore ebe hlooho ea monna eo e ne e ka ba eng, e ka lekana le bate ka boholo, ka helemete ea botenya ba li-inch tse peli holima eona, le borase, bo e koahetsoe eohle. 'Me a phephetsa mabotho a Molimo! 'Me a e bua pontšeng ea Davida.

46 'Me Davida e ne e le monnana, ea mokhubetsoana, mothakanyana, mahetla a batla a kobame. Biblele e mo tlalehile a ne a le "mokhubetsoana," e le mothoana. A eso ikoetlisetse e—e nto, ka marumo le ka lintho. Empa o ne a alositse manku motšeo ho lehoatata, 'me tau ea kena 'me ea nka e 'ngoe ea likonyana tsa hae, 'me a e sala morao a e bolaea ka letjeketjane. Re fumana bere e entse joalo, ea leka ntho eona eo, 'me Davida a e fekisa.

47 Eaba Davida o re, "Na le ka ema la lumella Mofilista eo ea sa bollang ho nyelisa makhotla a Molimo o phelang?" O hlabisitse banababo lihlolong; athe ba tlalehile e le setloketsebe, o ne a tsoile ho tla hloela nto. Leha ho le joalo Ntho ka ho Davida, ea tseba hore o ne a fetisa mohloli. Kahoo a re, "Haeba le tšaba ho mo loantša, ke tla ea mo loantša."

48 Saule, taba ena ea fihla ho mogenerale, Saule, 'me a mo apesa lihlomo tsa hae, 'me ha lia mo lekana. A fumana seaparo sa hae sa boruti se sa lekana monna oa Molimo. 'Me ntho eo ha e a khona. E sa tsebe seo a lokelang ho se etsa. "Sena, ha ke eso leke ntho ena. Ha ke tsebe letho ka lintho tsena, Bachelor of Art, le tse joalo. Ntlhobolise eona u ntese ho tsamaea kamoo Molimo o ntopollotseng. E re ke tsamaee ka letjeketjane."

49 "Hobaneng," ba itse, "ke mohale ho tloha bocheng ba hae, 'me ha u letho u mohlankana feela."

50 A re, "Ke mo fetisa ka matla. Ntese ke tsamaee." 'Me ho sa tsotelehe boholo bsa senatla, le hore e bonahetse e se 'nete hakae, Davida o ne a tiisetse hore Mofilista eo ea sa bollang a ke ke a nyelisa makhotla a Molimo o phelang ao a neng a a emetse.

51 Oh, holane ra fumana bo Davida ba bangata lebothong lena, holane ra fumana banna ba bangata ba ka emang le ho tiisetse, phehella Tumelong e neng e fuoe bahalaleli hang!

52 Samsone, monna e mong ea phehellang haholo. A tsoetsoe e le tsoalo ea Monazare.

53 *Monazare* ke ho bolela "ea khethetsoeng Lentsoe." E ka ba ntho e ntle hakakang bosiueng bona holane Bakreste bohle e ka ba Banazare ho Morena; ba khetsoe e seng litumeloana, empa ho Lentsoe. Krete ke Lentsoe leo. Ho khetheloa Lentsoe!

54 A le lithapo li supileng tsa moriri li leketlile mokokotlong oa hae, e le pontšo ea hobane o ne a khethiloe.

55 'Me ka letsatsi le leng a khahlana kantle koana e—e lithoteng, a sa nka letho letsohong la hae ho loana ka lona, ka sekete sa Bafilista. Bafilista bao eka banna ba entsoeng ka lerako la borase; liheleme tse kholo tse boima holim'a lihlooho tsa bona, lihloho tse kholo ka pel'a bona, le lithebe, maqhaama, le joalo-joalo, ho tsoella, ho qoba likulo life; mohlomong helmete e le botenya ba inchi, holim'a lihlooho tsa bona.

56 Samsone a se na letho, empa a 'na a nonya tšepiso eo Molimo a mo etselitseng eona a e utloa e ntse e leketla hloohong ea hae. A ntse a utloa tlolo, ka mantsoe a mang. O tsebile hobane Molimo o na le eena, hoba a utloa lithapo tseo li ntse li leketlile mahetleng a hae. A phamola se ka ho eena . . . a ka se tholang, 'me e ne e le lesapo la mohlahare oa mulete. 'Me a ema ka seo letsohong la hae, 'me a tiisetse hore e ke ke ea eba lesapo la mohlahare kapa sephaka sa hae, empa e ne e tla ba matla a Morena. 'Me eaba matla a Morena a theohela holim'a hae, 'me a otlala, ka lesapo leo la mohlahare, sekete sa Bafilista.

57 O e entse joang? Lesapo leo la khale, le peperaneng, le halikiloeng ke lehoatata, la mohlahare, u ka le otlanya holim'a lejoe, le ne le tla phatloha likotoana; le holim'a lihelemete tse neng li le holim'a Bafilista bao, tse neng li leketla, 'me maqepa a maholo a khomaretse mahlakoreng ha a theoha mahetleng, botenya ba inchi, le borase. A ema ka lesapo lena la mohlahare 'me a otlala sekete a se lahla fatše. Le itse, "Moea oa Morena oa theohela holim'a hae." O ne a tiisetse.

58 Ka letsatsi le leng, tau ea matha e mo setse morao 'me a nka letho letsohong la hae. Empa Moea oa Morena oa theohela holim'a hae, lithapo tsa hae li ntse li leketlile lehetleng la hae, a harola tau ka matsoho a hae. O ne a tiiselitse haholo, hoba a tsebile tšepiso ea Molimo e-na le eena. O ne a khona ho finyella eng kapa eng, hoba tšepiso ea Molimo e ne e na le eena, ho lopolla.

59 Johanne o ne a kholisehile! Johanne Mokolobetsi, mohla a neng a tsoaloe, o itsebile e ne e tla ba eena, hoba a hōle ho lekaneng ho utloisisa, a ka ba lilemo tse robong. Ntate oa hae e ne e le moprista. Hangata ba sala leloko la ntate morao. Empa ha a ka a theohela likolong le liseminarang, hobane a tseba mosebetsi oa hae o le bohlokoa haholo. O ne a tla tumisa Messia. Rea tseba hore Lengeloi le boletse joalo.

60 O tsebile hoba o ne a bapisitsoe ka har'a Lengolo, "Lentsoe la ea hooang feelleng, 'Lokisang tsela ea Morena!'" O tsebile hape hore Malakia, lilemo tse makholo a mane pele ho moo, o ne a boletse, "Bonang, Ke roma lenqosa la Ka pel'a sefahleho sa Ka." Ka mor'a ho hlola lefeelleng, teng, a rutoa thuto ea hae ho tsoa ho Molimo, e seng ho tsoa seminarang e itseng ea thutamolimo joaloka ha ntaetae a tsoile teng.

61 Empa o ne a e-na le mosebetsi o bohlokoa. O ne a lokela ho tumisa Messia, 'me o ne a lokela ho tseba pontšo ea mofuta e neng e tla latela Messia. Eaba o hlokomela, ka letsatsi le leng, a eme, a rerela batho, a re, "E Mong o eme har'a lona joale, Eo le sa mo tsebeng, Eo ke sa lokeleng ho mo rola lieta, O tla le kolobetsa ka Moea o Halalelang le Mollo." A tiile hakaale ka boemo ba hae, a tiile haholo ka bosebeletsi ba hae, ho fihlela a itse, "O eme kae-kae mona, har'a lona!" A sa tšabe ho e bua pontšeng ea Bafarisi le Basadusi, le—le masole, le eng hape e neng e le teng. Ba bang ba bona esale ba Mo lebeletse ka lilemo tse likete, empa a re, "O eme har'a lona." Ho se motho ea neng a ka mo amoha eona. O ne a tiisetse. O ne a phehella pontšeng ea bohle. Ee.

62 Mosajana enoa oa Mogerike, ntle le pelaelo, o ne a utloile ka Eena, a utloa ka Jesu, tsoseletso e kholo. Moporofetanyana ea nyolohelang Galelea, a etsoa Nazaretha, 'me a etsa mehlole e meholo le meeka. O ne a utloile ka Eena, 'me, "tumelo e tla ka kutlo." Mosali enoa oa Mosirofenia, e le Mogerike. Tumelo e fumana mehlole eo ba bang ba sa e boneng. Eitse ha a utloa, a lumela. E kaba o utloetse ka ngoanana oa moahelani ea folisitsoeng lefu la sethoathoa, ngoana tšeroe ke sona, 'me e ka ba utloile hore lefu lena la sethoathoa lea folisoa. Kahoo morali oa hae o ne a hloka ho phekoloa, 'me o ne a utloile hore Jesu a ka se phekoloa.

63 Hoba, E ne e le Lentsoe la Molimo le entsoeng nama! Santa Johanne 1, "Lentsoe le ne le le tšimolohong, me Lentsoe le ne le le ho Molimo, me Lentsoe e ne e le Molimo. 'Me Lentsoe le ne le etsoe nama 'me la aha hara rona. Eena maobane, kajeno, le kamehla!" O ne a le teng mono ho senola litšepiso tsa Molimo tsa letsatsi la Hae.

64 O teng bosiueng bona ho netefatsa le ho senola tšepiso e 'ngoe le e 'ngoe eo Molimo a e etselitseng mongoaha ona. O mona ho e etsa. O ne a le teng matsatsing a baporofeta. O ne a le ka ho Moshe, O ne a le ka ho Davida, O ne a le ka ho Elia, O ne a le ka ho ba bang ba bona, ho senola tšepiso ea Molimo ea mongoaha oo. Molimo o abetse mongoaha o mong le o mong Lentsoe la Oona, 'me O romela moporofeta, 'me Lentsoe le ea ho moporofeta le ho e otlolla, 'me ke hantle seo A se entseng mengoaheng eohle. 'Me ke Molimo, 'me ha a fetohle. Jesu Krete ke Moporofeta eo bosiueng bona ea emeng har'a rona. Ke Enoa mona ka sebopelo sa Moea o Halalelang, Ea tsebang ntho e 'ngoe le e 'ngoe, 'me a ka senola eng kapa eng eo A lakatsang ho e etsa.

65 O ne a lumela sena, ho sa tsotellehe hore na batho ba ne ba sa lumele hakae.

66 Tumelo e fumana mehlole oo batho ba bang ba sa tsebeng letho ka 'ona. Ha motho a e-na le tumelo ho Molimo, o tšoare ntho eo a ke keng a e hlalosa. Ke ntho eo a e tšoereng. A ke ke a e sututsa, kapa ho e khotometsa, kapa ho e hula. E qosa Eena.

Tumelo e joalo, ha motho a hlile a e-na le tumelo ho Molimo, o fumana mohloli oo oo ba bang ba sa o boneng.

⁶⁷ Lentsoe la Hae ke sabole. Bible e itsalo. U batla ho lebisa ho eona, ke—ke Baheberu 4:12, kamoo ke ngotseng temana. Bible e boletse, “Lentsoe la Molimo le bohale ho feta sabole e leolitsoeng ka nqa tse peli.” Sabole ena e tlameha ho tsoaroa ka letsoho la tumelo. Letsoho la thuto ea bolumeli le ke ke la e etsa. E tlameha ho tsoaroa ka letsoho la tumelo, le koetlisitsoeng linthong tsa moea, le tsebang Molimo.

⁶⁸ Hape, nka rialo, kamoo nka buang sena. U lumela joang hore Jesu o ne a talima bamameli 'me a lemoha menahano ea bona? Hobane E ne e le Lentsoe. Ha re qotseng Lentsoe lohle mona, “Bohale ho feta sabole e leolitsoeng ka nqa tse peli, mosenoli oa mehopolole le merero ea pelo.” E ne e le Lentsoe. Ke ka baka leo A lemohileng mehopolole e ka pelong tsa bona.

⁶⁹ Bosiung bo fetileng, joaloka ha re nkile, “joaloka mehleng ea Sodoma,” ea bontša Monna eo ea emeng mono, ea jang nama ea namane, ho noa lebesa la khomo, ho ja sereleli le bohobe; a eme mono a eja, a apere liaparo joaloka 'na le uena, mokokotlo oa Hae o furaletse tente, 'me a bona seo Sara a neng a se nahanne ka tenteng. Ha ho makatse ha Abraham a 'Mitse 'Elohim, “Ea Tlalang Tsohle, ea leng teng ka boYena,” *Elohim*.

⁷⁰ Jesu o itse, “Joaloka matsatsing a Sodoma, ho tla ba joalo ho khutleng ha Mora motho.” E tla ba ntho tsoanang. “Matsatsing ao,” na u hlokometse, “Sodoma mono”? E boletse ho Luka 17:15, e boletse joalo, “Mehleng ea Sodoma, ho tla ba joalo le ho tleng ha Mora motho, mohla Mora motho a senoloang.” Matsatsing ao Mora motho a senoloang joaloka ha A entse Sodoma, ntho eona eo e tla be e etsahala.

⁷¹ Re fumana mollo o itokisitse, lichaba li lokile, baevangeli ba ile libakeng tsa bona, 'me neo e 'ngoe le e 'ngoe e behiloe e hlekiloe. Ha ho makatse re lokela ho tiisetša! Ha ho makatse re lokela ho phehella! Re lokela ho finyella sepheo ho Molimo, sona, ke ho bitsa Monyaluoa oa Jesu Krete mekhatlong eohle ea liphutheho, ho tsoa bathong bohle, batho ba arotsoeng bakeng sa Molimo.

⁷² Mogerike enoa o ne a utloile mantsoe ana. A e lumela. A thulane le litšitiso tse ngata, empa tumelo ea hae e se na letho la tseo. Tumelo ha e tsebe tšitiso. Tumelo ea hae e ne e se na tšitiso. Li ne li le teng, empa tumelo ea hae e se na letho. U ka ba le litšitiso, empa, haeba u na le tumelo, ha e tsebe ho hloloa. E tiile. Ha re shebeng tse ling tsa litšitiso tsa hae, nakoana feela.

⁷³ Ba bang ba bona ekaba ba ka ba itse, “Hopola o tsoa morabeng o fapaneng. U Mogerike, Mosirofenisia ka sechaba. Eena ke Mojuda.” Ka mantsoe a mang, kajeno u ka re, “Hase phutheho ea hau ha e tsoereng tsoseletso ena.” Ha e etse phapang ea letho, mokhatlo oa hau, le haeba ho le joalo kapa che. Mosali

eo o ne a sa tsotelle hore e ne e le mokhatlo oa mang. E ne e le motho ea bopiloeng ke Molimo, 'me a ena le tlhoko, 'me a ena le tumelo 'me u ne a tla e fumana. Hore na phutheho ea hae ea bolumeli e ne e sebelisana kapa che, keha e sa etse phapang ho eena. O ile a qala.

⁷⁴ E ka ba o ile a nyatsuo a ke e mong ea kopaneng le eena tlase, 'me a re, "Khele, matsatsi a mehlolo a fetile. Ha re sa na mehlolo." Eo ekaba Mojuda, hoba a kene, eena naheng ena eo Jesu a neng a le ho eona, mose ho Galilea. "Matsatsi a mehlolo a fetile. Ha ho ntho e joalo." Koana o ne a tiisetse. O ne a phehella. Lerako la mokhatlo oa phutheho ha le a ka la mo thiba, kapa mang oa bona ea lumetseng matsatsi a mehlolo a fetile. O ne a tseba ka ho fapana. Ntho ea pele, o ne a e-na le ho hong ka hare ho eena, se mo boleletseng hore o tla fumana seo a se kopileng.

⁷⁵ Oh, batho, bosiuong bona, ha feela le ka tsoara seo ka pelong tsa lona, hore Molimo o teng ho u fa takatso ea pelo ea hau! Haeba u ka phethisa maemo a Hae, ha ho letho le ka emang.

⁷⁶ Ekaba sehlopha sa basali se tllile ho eena, 'me ba re, "Sheba, Khaitsetli Lydia," kapa lebitso la hae, "na u a utloisisa hore monna oa hau u tla u tlohela haeba u ka etsa see?" Ha ho pelaelo o ne a rata monna oa hae, empa a ke ke rohaka kapa ho hlhonorofatsa Se neng se ahile ka ho eena. Ntho e ne e mo joela, morali oa hae o ne a bolaoa ke sethoathoa, 'me a lokela ho fihla ho Jesu, 'me, ha a fihla mono, ntho e 'ngoe e ne e tla etsahala, monna kapa ho se monna.

⁷⁷ Ba bang ba bona ba ka be ba itse, "Be, u tla etsa joang ka ngoana enoa ea mahlomoleng haeba e hlōleha?" Empa o e tsebile e ke ke ea hlōleha. Ntho e 'ngoe e ne e le ka ho eena, e 'moleletseng hore e ke ke ea hlōleha. Haeba E ne e le Molimo, E sa le Molimo. E ke ke ea hlōleha. Ka hona, a ntse a phehella.

⁷⁸ Hape ba bang ba bona ba ka be ba itse, "Mokhupi o u teetseng hare, sechabeng, o tla u tšeha." Ho tšehuo a kapa ho se tšehoe, ha hoi a etsa phapang ho eena. Ntho e ne e ahile ka ho eena! O ne a ntse a phehella.

⁷⁹ Ba bang ba bona ba ka be ba itse, "U tla ntšoa kerekeng ea hau." Ho ntšoa kapa ho se ntšoe, o ne a le tseleng, ntho e mo hulela ho Jesu! Ho se letho le tla mo sitisa, ho se litšitiso. O ne a phehella. Ha ho letho le mo etileng pele tseleng ea hae.

Qetellong a fihla moo A neng a le teng.

⁸⁰ Batho ba bangata ba nahana, "Hobane feela u fihla moo A leng teng, tsohle li felile." Hoo ho phoso. A ka tla mona ka mohahong ona bosiuong bona 'me a Iponahatsa a phela, ka mora lilemo tse likete tse peli, ka lintho tseo A tšepisitseng ho li etsa tsatsing lena. O entse maobane bosiu. O etsa bosiu bo bong le bo bong. O etsa hohle. O paka hore O ntse a phela. 'Me u ka ba ka pel'a Sefahleho sa Hae, empa ha se eona. Che, monghali. Ka

nako e 'ngoe u kopana le bothata ha u kena ka pela Sefahleho sa Hae. O ile a etsa joalo.

⁸¹ Eitseha a fihla, eaba Jesu o re, O ne a “sa romeloa” morabeng oa ha’bo. Eena Eo a tllileng a lumela ho eena, a mo latolela. Ena ke thuto. Eona Eo. . . O ne a fetile likhorong tsena kaofela, tsa mahlomola le tšoabo, le ntho e 'ngoe le e 'ngoe, ho fihla mono, ka Ntho e futhang ka hare ho eena, e 'molellang ho ea; eitseha a fihla mono ho Eena, A mo latolela, sesotho. 'Me ntle le moo, O boletse morabe oa ha’bo e se letho haese sehlopha sa lintja. “Ha hoa tšoanela hore Ke nke bohobe ba bana ho bō fepa lōna lintja.”

⁸² Ho ka thoeng hola A bitsitse e—e Mapentekosta, “lintja”? Khele, ha ke tsebe se ka beng se etsahetse. Ho ka thoeng hoja A a itse, “Lintja tsa Methodise, lintja tsa Baptise”? Maikutlo a ka, ho khutla le ho bolella molisa hore o ne a nepile, ho ne ho se letho ho Lethaka lena. Empa haeba u ka tšoara, 'me ntho e u tšoere, e tla fapana.

⁸³ “Ha Kea romeloa ho lona morabe oa lintja. Ha hoa tšoanela hore Ke nke bohobe ba bana 'me ke u fe bona. Ha Kea romeloa ho lona. Tsoseletso ea lona ha se eona, k'hamphani ea heno ha e tšehetse sena ka litjhelete, 'me ha Kea romeloa ho lona. 'Me ha se tšoanelo ho 'Na ho nka senya nako ea Ka holim'a lona, athe ha le letho haese lintja. 'Me ha nka senyea nako ea Ka ka uena?” Ekabe'bile masoabi a makaakang ho mosali ea neng a se na tumelo, ea neng a sa ikemisetsa! Oh, hola feela kereke e ka bona seo! Empa koana a tšoarella.

⁸⁴ E ne e se e—e semela sa ntloana-mocheso se tlamehang ho bokotsoa, se seng tsena tseo u tlamehang ho se nyanyatsa hohle, u a tseba, ho leleka liseli ho sona. Semela se koenneng, ha u hloke ho se nyanyatsa. Semela se koenneng, seseli ha se se finyelle, se tletse bophelo bo koenneng.

⁸⁵ 'Me tumelo e koenneng e tsoetsoeng labobeli ho Molimo, tumelo ea sebele ea Moea o Halalelang, ha ho letho le tla e hanela. E ke ke ea khona. E a tiisetse. E ea hahamalla pheo eo Molimo o e tšepisitseng eona. Ha ho letho le tla e hanela. E ntse e tsoela pele. E, e ne e se lebasetere.

⁸⁶ Kajeno, sohle seo re se fumanang ke lebasetere. U bua ka poone ea lebasetere, ke e bona holim'a matšoao ka ntle mona. Ha e molemo ho hang. E bolaea batho. Shebang *Reader's Digest*, e boletse, “Haeba basali ba ntse ba e ja, se tlang ho etsahala, ha ba sa tla ba le masea, lilemong tse mashome a mabeli ho tloha joale. Ba ke ke ba khona ho tsoala bana ba bona.” E a e pshatla, ho fihlela mofetše o ikhapela eona. Oh, ntho e 'ngoe le e 'ngoe, ntho eohle e jeloe ke libokō. Ruri hoo ho khotolela mahlale, holim'a phetoho-butle, kantle.

⁸⁷ Jesu o itse, Molimo o boletse, tšimolohong, “A peo e 'ngoe le e 'ngoe e hlahise ea mofuta oa eona.” U nka poone ea lebasetere, 'me o e nyalise, le ho e lema; lema eona peo eo isao, ha u fumane

letho. U fumana thootse e tlokomang, empa ha u fumane letho. Ba nyalisitse ntho e 'ngoe le e 'ngoe, lefatšeng.

⁸⁸ U nka mulete; 'me, kapa nka e—e jack u e hoelise le pere e tšehali, u fumana mulete, empa mulete oo o ke ke oa ikatisa hape. Ke sethotho se hloakang temoho ka ho fetisa lefatšeng. Nkile ka li qhoba, bophelo bohle ba ka mona, u tla . . . u tla emela motsotso oa ho qetela ha o eshoa, ho u raha. Ha o tsebe letho. U ke ke ua o ruta letho.

⁸⁹ Ha u bua le 'ona, o tšoana le batho ba bitsoang Bakreste ba hlalabalalitseng litsebe, “Haw? Haw?” Ebile ha ba . . . Ho holoketsa, 'me ha ba tsebe seo ba se holoketsang. “Matsatsi a mehlolo a fetile. Ha ho ntho e kang pholiso.” Empa ha u nka khabane . . . Ha o tsebe moo a tsoang teng. Ha o tsebe ntate kapa 'mè ke mang.

⁹⁰ Empa pere ea lesika e tseba ntata eona, 'mè oa eona, ntatemoholo oa eona, ntate-moholo, ntate-moholo-holo-holo-holo-holo-, morao koana. E tseba moo e tsoang teng.

⁹¹ Ho joalo le ka Mokreste oa makhontho ea tsoetsoeng labobeli o tseba moo a tsoang teng. Tšimoloho ea hae e ne e se ho John Wesley, Luthere, kapa motho e mong. E qala ka Tsatsi la Pentekosta, mohla Molimo ka Sebele a tlileng hara batho ba Hae. 'Me Eena ke Lentsoe le bonahalitsoeng. U ka 'molella Lentsoe, 'me o tla re, “Amen!”

⁹² E mong o re, “Ha ke tsebe ka Hono.” Na le bona tonki eo, lebasetere? Le a bona, ha e tsebe moo e eang teng, ha e tsebe moo e tsoang teng. E sebopehong se tšosang.

⁹³ Mosali eo e ne e se mofuta oo. E ne e se semela sa lebasetere. O ne a tšoele ho hong. U sa tlameha ho mo bokotsa le ho mo nyanyatsa, le ho re, “Joale, moratuo, ka kopu, e re ke u kope. U lokela ho theoha.” Che, monghali. Ha ho motho. Ntho e 'ngoe le e 'ngoe e leka ho mo sitisa.

⁹⁴ Mokreste oa sebele o loanela boemo ba hae. O tlamehile ho ema a le mong, eena le Molimo, 'me u loanela bohato ka bong ba setša, ka hona ha u a tlameha ho ba neneketsa.

⁹⁵ Ke bona bothata ka kereke ea Pentekosta kajeno, re fumana masea a Pentekosta esale a fafatsoa le ho nyanyatsoa ka *sena* le *sane*, le se *seng*, ho fihlela e fella ka sehlopha sa mabaseterere. Seo re se hloakang kajeno ke tlhoekiso ea ntlu, ho tloha sefaleng ho ea ho—ho mohlokomeli, le ho qala hape, le ho fumana tumelo e itseng ea 'nete e tsoaloang ka har'a batho. Ee.

⁹⁶ Che, e ne e se lebasetere, joaloka lesika le bitsoang balumeli kajeno. O ile a etsa 'ng? A lumela hore O ne a nepile, Lentsoe.

⁹⁷ 'Me kamehla tumelo e lumela Lentsoe le lokile. Amen. Haeba tumelo ea hau e sa omele Lentsoe le leng le le leng la Lentsoe la Molimo, ka *amen*, phoso e teng ka boiphihlelo ba hau. Bibe e boletse, “Ke oa maobane, kajeno, le ka mehla.” Haeba e sa re

amen ho seo, joale phoso e teng. Jesu o itse, “Mesebetsi eo Ke e etsang le tla e etsa le lona.” Haeba e sa re *amen* ho seo, joale phoso e teng. Haeba e sa thasisetse Lentsoe le leng le le leng la tšepiso ea Molimo, ka *amen*, phoso e teng.

⁹⁸ A lumela hoba O ne a nepile. A lumela hoba e ne e se letho haese ntja feela. Empa a batlana le makumane.

⁹⁹ E ke ke ea eba rona. Oh, che. Re tlameha ho hlangoa setulong, 'me, “Haeba ba sa ntšebelitse bosiuang ba pele, nke ke ka khutla bosiuang bo latelang.”

¹⁰⁰ Joale, le a bona, oh, eena ne e le phapang e kakang. Ho chechisoa, le ho sutumeletsoa morao, ho sutumeletsoa kantle, ho behoa kantle, e ka ba eng, o ne a ikemiseilitse. O ne a tiisetša, a phehella. Ntho e 'ngoe ka hare ho eena, ea mo bolella a tla e fumana ho sa tsotelehe nako a e emang, seo a neng a tlameha ho feta ho sona. O ne a tla e fumana leha ho le joalo. O ne a tsomana le makumane. A sa batle lijo tsa mantsiboea tse felletseng. A re, “Lintja le tsona li sela makumane tlas'a tafole ea mong'a tsona.”

¹⁰¹ E sebetsoa joalo. U se ke oa nka setulo se phahameng; nka setulo se motšeo. Se etse. . . Eba motho e monyenyanane feela. Mokhoa oa ho nyoloha ke tlase, kamehla. “Ea ikokobetsang o tla phahamisoa. Ea iphahamisang o tla kokobetsoa.” Mokhoa oa ho nyoloha ke tlase, kamehla.

¹⁰² Hopolang, o ne a e-s'o bone mohlolo. E ne e le Molichaba, a mpa a e-na le tumelo.

¹⁰³ A batla a tšoana le seotsoa, Rahaba. O ile a bolella lihloela. . . Ha a ka a re, “Emang ho fihlela ke bona kamoo Joshua a kamang moriri oa hae kateng. Eng, kamoo balaoli ba lona bohle ba shebahalang kateng? Kapa ba sebelisa lisabole tsa mofuta ofe? Ba tšoere lisebelisoa life? Ke ntoa ea mofuta ofe?” A re, “Ke utloile hoba Molimo u na le lona. Seo se ntekane. Ke batla mohau.” A lumela.

“Tumelo e tla ka kutlo, le ho utloa Lentsoe la Molimo.”

¹⁰⁴ Shebang, “Ka lebaka la polelo ena, ka lebaka la polelo ena,” Jesu o boletse, hobane o ne a tiisetša, 'me a etla.

¹⁰⁵ Joale, qalong, a 'Mitsa, “Mora Davida.” Joale haeba. . . Eena, joaloka Molichaba, a se na maipolelo ho Eena joaloka Mora oa Davida. Empa eitseha a re, “Morena,” E ne e le Morena oa hae, empa e seng Mora Davida, ho eona.

¹⁰⁶ A tšoere katamelo e nepahetseng nqa neo ea Molimo. 'Me ke eona feela tsela ea ho amohela eng kapa eng, ke ho tla ka mokhoa o nepahetseng. E ne e le Molichaba oa pele eo mohlolo o kileng oa etsoa ho eena. Tumelo e lumela hoba Lentsoe le nepahetse, e ikokobelitse le ho hlompheha. Hoa tšoana le kajeno, ikemisetse ho nka karolo efe kapa efe, kae kapa kae, “ha nka fihla mono feela.”

107 Na le kile la hlokomela Maretha, ka pel'a Sefahleho sa Jesu, o ne a phehella? Maretha, eitseha a etsoa, leha a moena oa hae a ne a Mo rata, leha a ne a butse ntlu ea hae 'me a siea kereke, le joalo-joalo, 'me Lasaro le Eena e ne e le metsoalle; 'me Lasaro o ne a shoele, ka lebitleng, 'me a hlotse teng matsatsi a mane, a se a senyeha. Nko e se e hohlometse, nama e naphohile masapong a hae. O ne a shoele.

108 Ke ne ke bua le mosali oa tumelo e 'ngoe ba sa lumeleng hoba O ne a sa fetise le moporofeta kapa monna ea lokileng.

109 Ke tla lumela hore E ne e le moporofeta. Empa, E ne e le ea fetisang moporofeta, E ne e le Molimo oa baporofeta. E ne e le sohle seo baporofeta ba neng ba le sona, se ne se le ka ho Eèna, kopanya le Molimo, 'me tsohle hammoho li entse Eena.

110 Re ne re theoaha, bosiuong bo bong, a re, "Haeba nka u pakela, Mongh. Branham!" A re, "Ke fumana phoso e le 'ngoe feela ka Molaetsa oa hau."

Ka re, "Ke tšepa le Morena o a le joalo, ho fumana phoso e le 'ngoe feela, ho e fumana ho 'na."

111 A re, "U ithorisa haholo ka Jesu." A re, "Uena—u Mo etsa Molimo."

112 Ka re, "E ne e le Molimo. Haeba E ne e se Molimo, E ne e le mothetsi e moholohali ka eo lefatše le kileng la ba le eena."

A re, "U Mo etsa ea Mokhethoa."

Ka re, "E ne e le ea Mokhethoa."

"Oh," ho itsoe, "E ne e le—E ne e le monna ea lokileng."

113 Ka re, "O ne a fetisa monna ea lokileng. E ne e le Molimo. E ne e le ea Mokhethoa."

Ho itsoe, "Ke tla u pakela, ka Bibe le ea hau, hore O ne a se Mokhethoa."

Ka re, "U ka e khona joang?"

114 A re, "Ho Santa Johanne, khaolo ea 11, mohla Jesu a neng a ea lebitleng, ho tsosa Lasaro, Bibe le e boletse, 'O ile a lla.'"

'Me ka re, "Na leo ke Lengolo la hau?" Ka re . . .

"Ee."

Ka re, "U a hloleha . . ."

Ha thoe, "A ka lla joang 'me a be Mokhethoa?"

115 Ka re, "E ne e le motho le Molimo 'moho. E ne e le monna ea neng a lla, ka sebele. Kea lumela hore e ne e le monna ea llang. Empa eitseha A ema lehlakoreng la lebitla, A otlolla 'mele oa Hae o fokolang, le ho re, 'Lasaro, tsoa moo, 'me monna a shoeleng matsatsi a mane, a ema ka maoto a hae 'me a phela hape, eo e ne e le ea fetisang motho." E, monghali.

116 Bobolu ba tseba mong'a bona. Soule ea tseba 'Mōpi oa eona. 'Me o ne a kene leetong la matsatsi a mane kae-kae; ha ke tsebe, le lona che. Empa, koana, eitseha A bua, a tsoa mono. Amen. Eo e ne e le ea fetisang motho feela.

117 E ne e le motho mohla A theohang thabeng, bosiuang boo, hoba A fihle, a lapile; ho qamaka lifateng, ho fumana se jeoang, ho qamaka sefateng, mohla A rohakang sefate se se nang litholoana. E ne e le motho ha A ne a lapile. Empa ha A nka libiskiti tse hlano le lihlapu tse peli, le ho fepa likete tse hlano, ba bokella liroto tse supileng tse tletseng makumane a setseng, eo e ne e le ea fetang motho. Ke eona.

118 E ne e le motho mohla A neng a robetse mono holim'a metsi bosiuang boo, motšeo ho sekepe. Matla a ne a tsoile ho Eena, letsatsi lohle, a ntsea rera, le ho folisa bakuli; molemo o tsoile ho Eena, bathong, ho senola mehopolole e ka lipelong tsa bona. 'Me mademona a likete tse leshome a leoatle a hlpanya hore a tla Mo khamisa bosiuang boo. Seketsoana seo sa khale eka sepako sa botlolo kantle mono, se kaba-kaba. Liabolosi o itse, "Ke Mo fumane joale." 'Me ea ka ho felile kahohle. Empa hang ha A tsoha, a nyoloha 'me a bea leoto la Hae morumong oa sekepe, le ho lelala le ho re, "Khotsa, khutsa," 'me meea le maqhubu tsa Mo utloa, e ne e le ea fetisang motho. Eo e ne e le Molimo.

119 E ne e le motho mohla A ne llang ho hauheloa, sefapanong, 'nete. Mohla A llang metsi 'me ba Mo noisa asene, e ne e le monna. Mohla A neng a e-shoa, a fopha mali, a lla, a thakhisoa, a khokhothetsoe sefapanong, E ne e le motho. Empa hoseng ha Paseka mohla A manollang litiiso tsa lebitla le ho tsoha hape, le ho re, "Ke 'na Ea na beng a shoele, le ho phela kamela eohle," eo e ne e le ea fetang motho. E ne e le Molimo ka ho motho, Mora oa Hae.

120 Ha ho makatse, Maretha ka kutloisiso ena, a phehella ka pel'a Sefahleho sa Jesu. Ho re, "Holane Ua ba teng mona ngoaneso a ka be a sa shoa. Empa esita le joale, sohle seo U se kopang Molimo, Molimo o tla U nea sona."

121 Oh, hola feela re ka kenya mantsoe ao lipelong tsa rona bosiuang bona! "Kea tseba hore ke lutse setulong sa liqhoala. Ke a tseba ke na le mofetše, ke jeoa ke pelo, leha e ka ba eng. Kea tseba ngaka e tlaleha hora ea ka ea ho qetela e le haufi. Empa esita le joale, Morena!" Sohle seo u se kopang ho Molimo, O tla se etsa. 'Me O lutse letsohong le letona la Boholo ba Hae, ho ema lipakeng holim'a maipolelo a rona. Ho tiisetisa feela joalo ka Maretha.

122 Ea ka O mo latoletse. A romela ho 'Mitsa, 'me A se a ea. A romela hape, 'me ha A ka a ea. Qetellong, hoba a epeloe, matsatsi a mane, ke enoa moo A leng teng. Empa a ntse a tiisetisa. O ne a tšoere ho hong. O ne a bone mesebetsi ea Hae 'me a tseba hore eo

e ne e le Molimo. O tsebile hoba e ne e le eona. O ne a tiisetsa. O ne a fumane seo a neng a se kopa.

¹²³ Mosali oa Shuneme, pontšeng ea Elia, o ne a tiisetsa. Oh, lesea le ne le shoele, 'me le robetse liphateng tsa lona. 'Me Elia a leka ho nka thupa e tlostitsoeng le ho romela, ka Gehazi, ho e bea holima ngoana. Empa tumelo ea hae e ne e se thupeng, e ne e le ho moporofeta. O tsebile hobane Molimo o ne a le ka ho moporofeta eo, hoba a bone mantsoe ao a a buileng a hlaha. E ne e le moporofeta ea netefalitsoeng, 'me o tsebile hoba seo a se buileng se tsoa ho Molimo. 'Me a re, "Ka moea oa hau o phelang, nke ke ka u tlohela ho fihlela ke fumana lebaka." 'Me a lula le eena. O ile a tiisetsa ho fihlela a fumana seo a neng a se kōpa.

¹²⁴ E nkhopotsa, mona nakoana e seng kaalo ea ho feta, mosajana ea tsoang California, mohlang oo ke lula Jeffersonville. E batla e le lilemo tse tharo kapa tse 'nè tse fetileng. O ne a na le hlahala, 'me hlahala e 'notshi e le boima ba liponto tse mashome a mahlano. Ba tlameha ho mo jara ho kenya mohahong, ba mo bea morao. Bona . . . A tsebile ke tla ba teng mono bosiuung boo. A hopola ke il'o rapella bakuli. Empa ke ne ke tla bua le letšoele, le ka lekana le le ka mona bosiuung bona. Ka mor'a ho qeta ho bua . . . Ba bang ba bona ba 'moleletse, "Ha a rapelle bakuli bosiuung bona."

¹²⁵ Empa a batlile ho rapelloa, a rialo pelong ea hae, 'me a lumela. O kile a ba kopanong pele, 'me a re, "Ke lumela ha Moena Branham a ka nthapella, ke tla fola." 'Me bosiuung boo, ba babeli kapa ba bararo batikone ba mo fetisa, le ho feta pel'a ntl- . . . moaho, ho pota le ka morao, ho mo robatsa monyako.

¹²⁶ 'Me ka qalella ho tsoa le Billy Paul, ka monyako o ka morao. A ntšoara ka phaephe ea borikho, *joalo*. A re, "Moena Branham," a re, "Haesale ke lumetse hoba ha u ka kopa Molimo, Molimo o tla mpholisa."

¹²⁷ Ka mo beha letsoho, ka re, "Ka hona, khaitseli, ho ea ka tumelo ea hau, ho be ho ea ka uena."

¹²⁸ Likhoeli tse 'maloa ka mor'a moo, ka kopana le eena ka mor'a e—e kopano mono. E ne e le eo, ka letheka le phethahetseng. Hlahala ea boima ba liponto tse mashome a mahlano e nyametse. A re, "Nka kenya mosali ofe ka phaposing ea ho apara mona, le ho 'monts'a haeba ho le mongoapo ho 'na nqa efe. *Mona* ke setšoantšo sa ka seo ke neng ke le sona."

¹²⁹ E ne e le eng? Hore u ne u rapella bakuli kapa che, o ne a tiisetsa. O ne a tlile a tsoa California, ho tla folisoa, 'me a sa khutlele morao ka tsela esele haese ho fola. O ne a tiisetsa.

¹³⁰ Ke hopola ke biletsoa lephakong la liphate tsa moshanyana eena a e-shoa, mona lilemong tse 'maloa tse fetileng, a tšoeroe ke lekhopo le letšo. 'Me ba sa ntumella ho kena mono, hobane ke ne ke e-na le bana. Ngaka e itse, "U ke ke ua kena mono, u monna ea nyetseng."

131 Ka tseba hoba e ne e le Mokatolike, 'me ka re, "Haeba—ha moshanyana e ne e le Mokatolike, na u ne u ka lumella moprista ho kena?"

A re, "Che, empa o a—ha a nyala."

Ka re, "O etela bana, le joalo-joalo."

Ho re, "Ha se potso eo, Mongh. Branham."

132 Ka re, "U ne u tla lumella moprista ho kena ho mo sebeletsa litšoanelo tsa ho qetela. Ena ke tšoanelo ea ho qetela. Moshemane o a shoa. Ntese ke fihle ho eena."

133 Be, qetellong ka mo qophella. 'Me a nkapesa joaloka Ku Klux Klan, kapa ho hong, ho khurumetsoa ka mefuta eohle ea lintho.

134 'Me 'mè oa khale le ntate ba ne ba eme moo. Ke ne ke siile kopano, 'me—'mè le ntate-moholo ba re, "Haeba u ka tla rapela, ngoana oa ka o tla phela." Moshanyana a ka ba lilemo tse leshome le metso e supileng, leshome le metso e robeli. A fetisitsoe cardiogram, mochini mono, oa mofuta. A ile ilibana matsatsi a mabeli kapa a mararo, 'me a sa tsebe letho. 'Mè le ntate ba nkamohela ha ke kena. Ka khumama 'me ka rapela thapelonyana e pala ea tumelo.

Ka re, "Monghali, na u lumela Molimo?"

135 A re, "Ka pelo ea ka eohle, ke batla feela hore u kope Molimo. Molimo o tla fana ka eona."

136 Ka re, "Kea leboha, moena, ka tšepo ea hau. Le ka mohla nke ke ka e eka."

137 Ka bea matsoho holim'a thakanyana leo, 'me ka rapela, "Morena Jesu, lumella tumelo ea ntate enoa le 'mè ho kopana le ea ka, le tla ka pel'a terone ea Hau bosiuung bona. Moshanyana enoa a ke a phele 'me a se ke a shoa, hobane rea lumela. Ka Lebitso la Jesu."

138 Ho tsoha. 'Me ntate a nanabela koo a tšoara 'mè holim'a letšoafonyana la tšepe, ntho eo a neng a hemela ka ho eona phefumoloha mono, le ho re, "'Mè, na see ha se babatsehe? Na see ha se babatsehe? Oh, ho babatseha haholo!"

139 'Me mookinyana ea emeng mono, a maketse. Kepisinyana ea batla e oa hloohong ea hae. A qamaka, 'me a re, "Monghali, ha ke utloisise. U ka itšoara joalo joang, uena le mohatsa'o, athe mora oa lona o a shoa?"

A re, "Moratuoa, mora oa ka ha a shoe."

140 "Be," ho re, "ngaka e mo tlalehile a e-shoa." Ha thoe, "Hoo," hore machini ao e ne e le eng, ha thoe, "ha pelo e theohela tlase hakaalo, ka feberu ena, ha ho eso tsebjoe le ka mohla, nalaneng, e ka khutla le ka mohla."

141 Nke ke ka lebala tumelo ea mopatriareka eo oa khale. E ne e le setho, kea kholoa, sa A. B. Simpson. Ho nyoloha le ho beha matsoho a hae mahetleng, a ka ba lilemo tse mashome a

tšeletseng, a bea matsoho a hae mahetleng a ngoananyana enoa, a mo sheba sefahlehong. A re, “Moratuo, uena u shebile mochini oo. Ke phetho seo u tsebang ho se sheba. Empa ke shebile tšepiso, eo Molimo o boletseng O tla e etsa.”

¹⁴² E itšetlehile ka seo u se shebileng. Ba ne ba hamarelana, 'me ba nyakaletse mono, moena. 'Me o nyetse, 'me ke moromuo Afrika joale, o na le bana ba babeli. Hobaneng? Hobane ntate le 'mè ba ne ba ka itšoarella mohla hora e lefifi ka ho fetisisa. Ho tiisetsa! E, monghali, tiisetsa! Ho ba le tumelo ho Molimo!

¹⁴³ Mikea e monyenyanane, pontšeng ea baporofeta bao bohle ba makholo a mane ba koetlisitsoeng, o ne a tiisetsa hoba a bone pono e tsoang ho Molimo. Leha ba . . . O ne a le khahlano. Ba mo khahlanyetsa, ba re ho eena, “Joale re tla u khutlisetsa mokhatlong ha u ka bua ntho e tsoanang, uena, eo ba e buang.”

¹⁴⁴ A re, “Ka Morena ea phelang, ke tla bua feela seo A mpoellang ho se bua.” 'Me pono ea hae ea hlahlojoa ka Lentsoe la Molimo, 'me a bolela baporofeta ba hae, ho sa tsotelehe.

¹⁴⁵ Ba re, “Re tla mo lahlela ka har'a lisele tse ka hare, 'me re mo fepe masoabi, bohobe ba mahlomola, le metsi a mahlomola.” “'Me ha ba khutla,” o itse o tla sebetsana le eena, Akabe o entse.

¹⁴⁶ A re, “Haeba u ka khutla, Molimo ha o a bua le 'na.” O ne a tiisetsa. O ne a tseba moo a emeng teng.

¹⁴⁷ Sefofu se neng se folisitsoe ke Jesu se ne se ke ke sa ngangisa thuto ea bona ea bolumeli. Ba re, “Mahlo a hau a butsoe ke mang?”

A re, “Monna ea bitsoang Jesu oa Nasaretha.”

¹⁴⁸ A re, “Monna enoa ke moetsalibe. Ha re tsebe moo A tsoang teng.”

¹⁴⁹ Joale, a ba araba ka karabo e ntle. A re, “Lona le baetapele ba bolumeli ba mehleng ena. 'Me Monna enoa o khutlisitse pono ea ka, athe ha le tsebe moo A tsoang teng.” A bolokile thutabomolimo e ntle haholo ea hae. A ke ke a ngangisana le bona. Empa o tsebile ntho e le 'ngoe, o ne a khona ho bona. 'Me o ne a sa hlabjoe ke lihlong. Ntat'ae le 'm'ae ba ne ba le lihlong ho bua taba ka eona, empa e seng eena. O ne a e bone. O ne a e utloile. O ne a tšoere liphetho tsa eona. Ntho e 'ngoe e ne e 'moleletse, 'me a tiisetsa.

¹⁵⁰ Filipi, hang hoba a bone, thuto ea maobane bosiu, eng, mohla a fihlang ka pel'a Sefahleho sa Jesu Krete, eitseha ha a bona oa Simone . . . kapa ngoan'abo Andrease. Phil- . . .

¹⁵¹ Petrose a fihla ka pela Sefahleho, etsoe e ne e le Simone mohlantso, a fihla ka pel'a Sefahleho sa Jesu. Simone o ne a rutiloe, esale ngoana, hore Messia e tla ba moporofeta. Eitseha a kena ka pel'a Sefahleho sa Hae, 'me A 'molella, “Lebitso la hau u Simone 'me u mora oa Jonase.” O ne a tiisetsa. O ne a itokisitse lekhateng leo. Ea e-ba hlooho ea kereke.

152 Eitseha Filipi a E bona, o ne a tseba 'mali e mong ea khabane oa Biblele ea tsebileng 'Nete. O ne a tiisetša. A kekoloha thaba 'me a mo fihlela.

153 'Me eare ha Nathanaele a fihla, monna ea tummeng, Moheberu oa sebele, monna, Moheberu ea thata, monna ea khabane ruri, oa botšephehi bo khabane, e ne e le monna e moholo. Empa pontšeng ea moprista oa hae le pontšeng ea e mong le e mong oa bona, eitseha Jesu a mo talima 'me a re "bonang Moiseralele eo ho seng mano ho ena," a re, "Rabbi, U ntseba joang? Ha ke eso U bone pele. U tsebile joang hoba ke mang?"

154 A re, "Le pele Filipi a u bitsa, u sa le tlas'a sefate, Ke u bone."

155 A itihela maotong a Hae, a re, "U Kreste, Mora Molimo o phelang. U Khosi ea Iseraele." Hobaneng? O ne a tiisetša ho sa tsotellehe seo motho mang a se nahanang. O ne a kopane le Ntho eo a balileng ka eona. Seo a neng a lebeletse ho se fumana ho Jesu, o ne a se fumane.

156 Mosajana oa seotsoa o ile a tsoela selibeng, ka tsatsi le leng, ho kha metsi. Ke moo ho lutse Jesu, Monna ea tloaelehileng, ea apereng liaparo tse tloaelehileng, a eja lijo tse tloaelehileng, a bua puo e tloaelehileng, puo e tloaelo feela ea seterata joaloka ha motho e mong a buile. 'Me a bua le Eena; A bua le ena. A fumana moo molato oa hae o leng teng, 'me A re, "eE-ea lata monna oa hau le tle koano."

A re, "Ha ke na monna."

157 A re, "U boletse teng. U bile le ba bahlano, le eo u lulang le eena joale hase oa hau." Ka potlako peo eo e reriloeng pele pelong ea hae ea khahlola Bophelo!

158 Eitse ha Seo se tea Bafarisi, Sa ntšofatsa ntho eohle botšo. Ba itse, "Monna enoa ke Belsebule. Ke senohe."

159 Empa o tsebile hoba Lentsoe ne le "le bohale ho feta sabole e leolitsoeng ka nqa tse peli, le Mosenoli oa mehopollo ea pelo."

160 A re, "Monghali, ke a lemo hobane U Moporofeta. Ha re eso mo fumane lilemong tse makholo a mane. Ke a bona hobane U Moporofeta. Empa rea tseba Messia mohla a tlileng, O tla re bolella lintho tse na."

161 A re, "Ke 'Na ea buang le uena." Ruri Ea entseng mohlolo o ne a ke ke a bua leshano. E ne e le Moporofeta. Eena . . . A re, "Ke 'na Messia eo. Ke 'Na, ea buang le uena. Ke Eena."

162 Joale ho leka ho mo thibela? Haeba motho a kile a fihla Bochabela, le a tseba, monna ea seterateng a ke ke a mamela seotsoa. Se ne se se na lentsoe ho hang. Empa leka ho mo thibela, joaloka ntlu e chelang mohla moea o fokang, u ke ke ua khona ho e etsa. A kena seterateng a ntse a hoeletsa, "Tloong, le bone Monna Ea mpoleletseng tseo ke li entseng. Na enoa hase eena Messia? Ke Eo o lutse kantle mono selibeng joale. Eo ke eena Messia. Esale re lebeletse Monna eo ho fihla, 'me ke Eo o lutse.

O mpoletse lintho tsena.” Biblele e boletse batho ba lumetse ka baka la bopaki ba mosali.

¹⁶³ Ha ke koala, nka rialo. Ke bona batho ba bang ba Maspanishi ba lutseng mona, nka bua sena. Ke ne ke le Mexico ea khale, nakoana e fetileng, koana—koana arena tlase mono, sebaka sa mofuta. Ha rea khona ho kena lesakeng sa poho, kapa lesaka le leholo, empa ra fumana sebaka mono teng ho phuthehile batho ba likete tse ’maloa. Moena Espinoza, kea kholoa moena oa Assembly of God, le a mo tseba bohle, ho tsoa California. E ne e le toloko ea ka.

¹⁶⁴ Bosiu pele ho moo, monnamoholo oa sefofu a tla kalaneng, a sa bone ho hang. Ka mo sheba. Ke roetse lieta tse ntle, le liaparo tse ntle. Monnamoholo oa mofutsana, ea makhasa, borikhoe bo tabohile, katiba ea hae ea khale e rokiloe ka—ka, eka, e khareng e tlamang. ’Me a foufetse; litelu tse tšoeu li lepeletse. Maoto a hae a khale, a maholo a khale, ’me mohlomong a eso roale lieta, ka lilemo. Lerole le tletse hohle. A A foufetse ka ho feletseng. Ka mo sheba. Ke ile ka nahana, “Ntate a ka ba lilemong tseo, holane a phela.”

¹⁶⁵ Ka mo atamela. Ka re, “U phela joang?” Moena Espinoza a toloka.

¹⁶⁶ Ka bapisa leoto la ka le la hae, ho fumana. Kalaneng ho leketlile kharetene e batla e le sephara ho feta ena ka makhetlo a mane kapa a mahlano. Ka nahana, “Ha lieta tsa ka li ka mo lekana, ke tla mo fa lieta tsa ka.” Oh, maoto a hae a le maholo ho a ka. Ka bapisa mahetla le a hae, eka ke tla mo aka ka liphaka tsa ka, mahetla a hae a le sephara ho mpheta. Ka bona hoba nke ke ka mo fa jase ea ka. Ka nahana, “Molimo, nka etsa’ng? Motsofe oa khale oa mofutsana, mohlomong a e-so je lijo tse ntle bophelong ba hae.” ’Me e le e, a ntse a eja liphaphatha tsa khale tse lahliloeng tlase mono kae-kae; empa koana a tlameha ho sebelisa cheletana ea hae, ho fumana kerese ea mafura, ho e chesa aletareng ea gauta ea lidolara tse milione, bakeng sa libe tsa hae, ho phelela tumelo—khoela le lefifing le kang leo! Ka nahana, “Nako e kakang! Hobaneng tlhaho e ka ba khopo tjee?”

¹⁶⁷ Ka mo potisa sephaka sa ka, ’me ka lla, “Oho Molimo, mo hauhele!”

¹⁶⁸ O ile a hoeletsa, “Gloria a Dios!” ’Me nakong eo ka qamaka, o ne a bona hantle kamoo nka khonang, a khaohanya kalana.

¹⁶⁹ ’Me e—e bosiueng bo latelang ha re kena, ho le qubu ea liaparo tsa khale le litjale, le likatiba, bophahamo ba maoto a mararo kapa a mane, ka mokhoa *ona*, ho phatlalla hohle. Hore ba tsebile ea mang joang? U nahana hore ba ne ba tsotella? Ba tla kerekeng hoseng hoo ka hora ea borobeli kapa ea borobong, ho se litulo tsa ho lula; hantle kantle mono, ’me pula e tšoloha, ’me e mong a itšetlehile ka e mong feela. Basali meriri ea bona eohle e lepeletse, ’me ba tšoare bana le lintho. Pula e tšoloha, ho fihla

ka hora ea borobong, 'me nke ke ka fihla mono haese hofihlela metsotso e mashome a mararo ka morao ho robeli kapa hora ea borobong bosiuung boo. Ba etsa bonnete ba hore ba tla ba teng. Ho ema hantle mono ho nkemela ke be ke kene.

¹⁷⁰ Ba ntheolela ka lere ea thapo, ka morao ho arena, moo ke keneng *tjena*, ho tsoa ho ea kalaneng. Billy Paul . . . 'Me monna eo ke mo reileng *Mañana*, e bolelang "hosane," a lula a lieha ho tla ntata. 'Me ka re, "Tloo feela hosane, u se u sentse bosiuung bona." Ka hona a ntlisa mono 'me a ntheola ke lepella, 'me ka kena holim'a kalana.

¹⁷¹ Moena Jack Moore, bongata ba lona le a mo tseba, mose ho mona Shreveport, a ena le 'na; le Moena Espinoza le baena ba 'maloa. Eare re sa eme mono kalaneng, Billy a fihla. Ka utloa ho ketema ntho e kholo, kantle mono, likete tse atisoang ka likete li lutse ka mono.

¹⁷² Billy a re, "Ntate, u tla tlameha ho etsa ho hong. Mosajanali oa Mospanishi ka mona," ha thoe, "o nkile lesea le shoeleng matsohong a hae." Ha thoe, "Lesea leo le hlokahtsetse hoseng hona, ba rialo, esale hoseng. 'Me—'me Mañana a aba likarete tseo tsa thapelo, 'me," ha thoe, "'me ha a na setlankana sa thapelo, 'me ha ke na sona." Ha thoe, "'Me o ikemiselitse ho tlisa lesea leo moleng oa thapelo." Ha thoe, "Re na le ba ka bang makholo a mane mono, ba mothating oa ho rapelloa."

¹⁷³ Ka re, "Be," ka re, "mo suthisetse morao feela. Hoba, ha a ka eta pele, ba bang ba tla qala ba etsa hoo." 'Me ka re, "Re ke ke ra etsa joalo. Mo bolelle feela ho kena moleng mohlomong hosane. Hosane re tla fihla mona ho mo fa setlankana sa thapelo."

¹⁷⁴ A re, "Tloo 'me u leke." A re, "Ke behile liashara tse makholo a mararo tse sa khoneng le ho mo thiba, 'me," ha thoe, "ha a le boima ba liponto tse mashome a robong." Le ho re, "U ke ke ua mo thibela." A re, "O tsoapela lipakeng tsa maoto a hau, a tlola holim'a mahetla a bona, kapa ntho efe feela, ka lesea lena le shoeleng."

¹⁷⁵ Me ka re, "Moena Jack," ka re, "ha a ntsebe. A ke ke ntseba lipakeng tsa ka le uena. Theo ha u rapelle lesea, 'me hoo ho tla e rarolla joalo." 'Me ka re, "Lesea le shoele?"

Ha thoe, "Ee." Ka re . . .

¹⁷⁶ Ke ne ke bua ka tumelo e leng kholiso e tiileng, le bonnete ba lintho tse lebeletsoeng. 'Me ke ne ke bua. 'Me Moena Espinoza a qala a bua, ke sa bua. Moena Jack a qala a theo ha ho rapella lesea. 'Me ha ke qala ke sheba, ka sheba kantle mona ka pel'a ka, 'me e le leseanyana la Momeksiko, le le lisene, le le nyenyane haholo. Le ne le bososela, le nchebile, pono.

¹⁷⁷ Ka re, "Ema motsotso, Moena Jack. Tlisa lesea mona." Eaba ba hleka tsela.

178 Mosajana ke enoa a etla, ka lifaha tsa thapelo matsohong a hae, 'me a itihela fatše, a hoeletsa, "Padre!"

179 'Me ka—ka mo emisa. Ka re, "U se ke." A tšoere kobo e boputsoa le bosoeu, e mebala-bala; leseanyana, le sataletseng, le ka bang bolelele bo bo *kaalo*, le robetse liphakeng tsa hae.

Ka re, "Mo botse hore le shoele neng."

180 Ha thoe, "Le shoetse ofising ea ngaka, hoseng hoo, e ka ba hora ea borobong." 'Me mona ena e ka ba mashome a mararo ka morao ho robong kapa hora ea leshome bosiuang boo. 'Me a kolobile feela, esale a eme; moriri oa hae o lepeletse kaofela. Mosajana e motle, 'me, eena, mohlomong e le lesea la hae la pele. A shebeha a le lilemo tse mashome a mabeli a metso e mehlanu, kapa ho hong.

181 'Me ka re, "Moena Espinoza, u se ke oa toloka thapelo ena, hobane ke sa tsoa bona pono ea ba- . . . kapa leseanyana mono le ntšehang." Ka re, "E ka ba lesea leo."

182 'Me ka bea matsoho a ka holim'a kojoana, 'me ka re, "Ntate ea Maholimong ea Ratehang, ha ke tsebe seo pono e neng e se bolela, empa ke bone lesea. Haeba lesea leo, U itokiselitse ho le khutlisetsa bophelong, ke tla bitsa bophelo ba lona, ka Lebitso la Jesu Kreste." La lla, 'me la rahaka kobo eo 'mela qala la hoeletsa *joalo*. 'Me ka . . .

183 *Business Men's Voice* ea hlphisitse ketsahalo eo, nakoana e fetileng. Ka re, "Moena Espinoza, o se ke oa bua letho ka seo joale. U romela setiti ho sala lesea leo le mosali eo, le ho le isa ngakeng le ho fumana afidafiti e saennoeng pele u phatlalatsa hoo joale," ka re, "hobane e tlameha e be ke 'nete. Ha re tsebe." Kahoo, kahoo ba romela setitimi.

184 'Me ngaka ea saena afidafiti, "Lesea le bolauoe ke pneumonia ea matšoafo a mabeli," hoseng hoo ea hae. . . ka hora ea borobong ofising ea hae. "Le ne le sa phefumoloho. Pelo e ne e eme, le shoele ebile le sataletse."

185 'Me mosajana e ne e le eo. Hobaneng? Hobane o ne a tiisetsa. Ho se letho le tla mo thibela. O ne a tiisetsa. O ne a phehella, leha moprista oa hae a ka mo ntša kerekeng (ruri a ka etsa joalo), ho sa tsotelehe se etsahetseng. A tsoa tsoa a shebile terateng, masiu a 'maloa pele ho moo, a bone monnamoholo eo oa sefoku a fumana pono ea hae. "Haeba Molimo o ka busetsa lifofu pono, O ka tsosa bafu!" 'Me a e-na le tlhoko. O ne a tiisetsa, joaloka mosali oa Mosirofensia. O ile a fumana takatso ea hae hobane a ne a tiisetsa.

186 Moena le khaitseli, re ka pel'a Sefahleho sa Jesu Kreste. A re, "Moo ba babeli kapa ba bararo ba kopaneng ka Lebitso la Ka, Ke teng har'a bona. Seo ba lumellanang ka sona, ka ntho efe, 'me ba kopa, ba tla amohela." Ha re tiisetseng joale ka pel'a Sefahleho sa Molimo, re sa inamisa lihlooho tsa rona.

187 Ntata rona ea Leholimong ea mohau, esale re bua metsotso e ka bang mashome a mararo le lethoana joale, kapa ho feta, bakeng sa 'Muso oa Hau. [Sekheo lebanteng—Mohl.] Molimo o entse tšepiso. Molimo o tlamehile tšepisong ea Oona. A rona, Morena, re hopole, re be joaloka mosali e monyenyanane eo, re tiisetse. Haeba Jesu a le har'a rona, joale a re itšoarelleng ho Eena nho fihlela re fumane seo re se tletseng.

188 Ba bang ha ba le teng mona, bosiuung bona, ba sa bolokehang, ba ke ba itšoarelle ho fihlela mohau o pholosang oa Molimo o ba amohetse.

189 Haeba ba le teng mona ba se na kolobetso ea Moea o Halalelang, ba ke ba tšoane le mosali e monyenyanane eo, ho se be le nako kapa letho lesele le se eme tseleng. Ba tla tšoarella 'me ba phehelle ho fihlela Moea o Halalelang o tlatsa bophelo ba bona ka mohau oa Molimo.

190 Haeba ba kula, ba se ke ba tela. Ba itšoarelle joaloka Jakobo, kamoo a neng a phehella. O ile a itšoarella, 'me a re, "Nke ke ka U tlohela ho fihlela U ntlhohonolofatsa." Lehlohonolo leo le ne le bolela bophelo ho eena, 'me ho joalo le ho rona bosiuung bona. 'Me pholiso e bolela bophelo ho rona, Morena.

191 Re rapela hore Boteng ba Hau bo fihle, re tle re khone ho U tšoara, 'me le rona U re tšoare, joaloka ha U entse Jakobo, khosana eo ea ntoa; hore U tle u fetole mabitso a rona, ho tloha bukeng ea kereke mona lefatšeng, ho ea Bukeng ea Bophelo ea Konyana Leholimong. Phehella, ho tšoarella ho fihlela Molimo o tiisa tšepiso ea Oona ka ho rona! Re e kopa ka Lebitso la Hae.

192 Morena, rea tseba hore Lentsoe le tsoang ho Uena le tla bolela ho feta limilione tseo mang kapa mang a ka li buang. Tloo, Morena, 'me o netefatse sena, hore ke boletse 'Nete. Esale Uena maobane, kajeno, le kamehla. Uena u Lentsoe. U ne u le Lentsoe le neng le le ka ho Nohe. U Lentsoe le neng le le ka ho Moshe. U ne u le Lentsoe le neng le le ka ho Elia. U ne u le Lentsoe le neng le le ka ho Davida. U Lentsoe le entsoeng nama 'me le hara rona bosiuung bona. U mona ho netefatsa tšepiso e 'ngoe le e 'ngoe eo U e etselitseng hora ena. "Joaloka ha ho bile mehlang ea Sodoma," litšepiso tse na tshole tseo U li entseng, U mona ho E tiisa. Aba sena, bosiuung bona, Ntate. Re tla shebella ho U bona mona.

193 'Me ka hona kereke e ke e phahame ka tumelo 'me e tšoare, le ho re, "Kea phehella, Morena. Ke tla lula mona joaloka moahloli ea sa lokang eo mohlolohali a neng a mo tšoere." 'Me efela ha moahloli eo ea sa lokang, ho tlosa mosali eo, o mo file takatso ea hae, ke hakakang Ntate ea Leholimong a tla nea bao A lebeletseng hore ba itšoarelle ho Eena bosiuung bona? Aba sena, Lebitsong la Jesu, rea rapela. Amen. Morena a bokoe!

194 Ke batla ho bona . . . Billy, na u abile likarete? [Motho e mong oa araba—Mohl.] Makholo a mabeli? U abile life kajeno, H? Re qalile kae; ngoe, bosiuung bo fetileng, na ha ho joalo? ["Ee."]

Ha re qaleng sebakeng se seng bosiuung bona. Karete ea thapelo bosiuung bona ke H.

¹⁹⁵ Mang ea nang le likarete tsa thapelo, li tšoareng. Le a bona, re tla rapella e mong le e mong. Li tšoareng feela, tšoara karete eo ea thapelo. Ha u fa motho setlankana sa thapelo, o folile ka lipersente tse mashome a tšeletseng hona hoo. Le a bona? O a tseba hore o tla kena moleng, kahoo o tla e tšoara feela. Ke ka lebaka leo re li abang.

¹⁹⁶ Ha re qaleng, ha re boneng, ho tloha... ha re e nkeng ho tloha ho mashome a robeli bosiuung bona, ho qala ho mashome a robeli, mashome a robong, lekholo. Ke mang ea nkileng karete ea thapelo H, H, joaloka Leholimo? H, mashome a robeli, phahamisa letsoho la hau. Bona haeba ke... Mohlomong ke fositse. Re tla qala nqa e 'ngoe ke hona. Monghali? Ha kea e bona. [Motho e mong o re, "Ka morao koana."—Mohl.] Oh, morao. Ho lokile, tloo koano, monghali. H, mashome a robeli.

¹⁹⁷ H, mashome a robeli le motso o mong, ke mang ea nkileng mashome a robeli le motso o mong? Phahamisa letsoho la hau. Mashome a robeli le motso o mong, mona. Tloo, mofumahali.

¹⁹⁸ Mashome a robeli le metso e 'meli, ke mang ea nkileng mashome a robeli le metso e 'meli, na u ka phahamisa letsoho la hau? Hantle mono, mashome a robeli le metso e 'meli? Ho lokile, mashome a robeli le metso e 'meli, ke mang ea nkileng karete ea thapelo H, mashome a robeli le metso e 'meli? Ke eo mashome a robeli, mashome a robeli le motso o mong; re batla H, mashome a robeli le metso e 'meli. U ka e bua joang ka Sepanishi? Mohlomong ke motho oa Sepanische. Ho lokile, ho lokile, mashome a robeli le metso e 'meli.

¹⁹⁹ Mashome a robeli a metso e meraro. H, mashome a robeli a metso e meraro, ke mang ea nkileng karete ea thapelo H, mashome a robeli a metso e meraro? Sheba karete ea hau ea thapelo. Sheba karete ea thapelo ea moahelani oa hau, mohlomong ba thibane litsebe 'me ha ba utloe. H, mashome a robeli-tharo, mashome a robeli-tharo?

²⁰⁰ U se nke likarete tseo haeba u sa tl'o li sebelisa. Le a bona? Li nke, li sebelise. Le a bona? U se ke ua li fetisetsa motho e mong. Li bolokele uena. U tla haneloa moleng oa thapelo, u a bona. Ka hona nka karete ea hau, tloo, mamela litaelo pele ho kopano. Nka karete ea hau ea thapelo o nto lula setulong sa hau, u a bona.

²⁰¹ H, mashome a robeli a metso e meraro, e kae? Mashome a robeli a metso e mene? Mofumahali mona. Mashome a robeli le metso e mehlang, mashome a robeli le metso e tšeletseng. Ke hantle, arabela kapele. Mashome a robeli le metso e tšeletseng, mashome a robeli le metso e supileng, mashome a robeli le metso e robeli, mashome a robeli le metso e robong. Mashome a robong, mashome a robong le metso e 'meli, mashome a robong le metso e meraro, mashome a robong le metso e mene, mashome a robong

le metso e mehlano, mashome a robong le metso e tšeletseng, mashome a robong le metso e supileng, mashome a robong le metso e robeli, mashome a robong le metso e robong, lekholo. Ba bale, Moena Grant, ka kopo, 'me u bone haeba bohle ba kena moleng oa thapelo.

202 Joale ke tla kopa bohle ba ka mona. Re tla be re qetile metsotsong e ka bang leshome, leshome le metso e mehlano. Ke tla kopa bohle ka mona ho lula setulong sa lona, ba neng ba sa bitsoa. Ebang le tlhomphe ea sebele, khutso. Tisetsa joale.

203 Tloong re le fe palenyana e 'ngoe. Khetlo le leng, ho ne ho e-na le mosali. Jesu o ne a . . . Botumo ba Hae ba namela hohle Gadara, 'me mosali e monyenyanane a theoha; kapa, e seng Gadara, e ne e le naha e 'ngoe. 'Me o ne a utloile ka Eena. A jeoa ke phallo ea mali. O tlile kopanong moo Jesu a neng a le teng, lebopong la leoatle, empa a sitoa ho fihla ho Eena. Ka hona a re ka pelong ea hae, joale mamelang, ka pelong ea hae, ho re, "Ha nka ama seaparo sa Hae, ke tla fola." Le hopola pale? Joale, a nyenyelepa 'me a ama seaparo sa Hae.

204 Joale ho etsahetseng? Jesu a retela ho re, "Ke mang ea Nkamileng?"

205 Hobaneng, Petrose a Mo khalemela. Nahanang feela ka seo joale, ha ba ntse ba bona hore na ba teng kaofela. Petrose a Mo khalemela. A re, "Morena!" Ntho e kang ena, "Khele, batho ba tla ipotsa haeba U le kelellong ea Hau e pholileng."

206 Hobaneng, bohle, "Hela, Rabbi! Hela, Moprofeta! Enoa ke Moporofeta e mocha oa Nazaretha? Enoa ke Moporofeta oa Galilea? Hela, ho joang mono!"

207 "Matjoring koana ka monna ea joalo," ho boletse baprista le bohle. "Tlohang ho Eena, bohle."

208 Empa a itšoarella joalo feela, o entse. A re, "Ha feela nka ama seaparo sa Hae!" O entse.

209 Joale Petrose a re, "Be, U etsa hore batho U hopole U lahlehetsoe ke kelello ea Hau."

210 A re, "Empa kea lemoha hore Ke fokotse." Ba bakae ba tsebang seo? *Molemo*, ho bolelang "matla," o tsoile ho Eena.

211 'Me A qamaka holim'a letšoele ho fihlela A fumane mosali eo. 'Me ha A fumane mofumahali e monyenyanane, A reng ho eena? A re, "Tumelo ea hau e u pholositse." A 'molella ka phallo ea hae ea mali, hore o ne a pholositsoe. Na ho joalo?

212 Joale ba bakae ba lumelang hore esale Eena maobane, kajeno, le kamehla, phahamisa letsoho la hau. Ke ba bakae ba tsebang hore sena ke 'Nete? Ho Baheberu 3, e re, "Hona joale ke Moprista ea Phahameng ea ka angoang ke maikutlo a mefokolo ea rōna." Ke ba bakae ba tsebang seo?

213 Be, haeba esale Eena maobane, kajeno, le kamehla, . . . Feela, ha A joalo, ka sebopeho sa 'mele; mohla A khutlang joalo, nako e felile, O tla nka Kereke le Eena.

214 Empa O mona ka sebopeho sa Moea o Halalelang, ho kena ka ho 'na le ka ho lona, le ho etsa mesebetsi eona eo ea Hae. O boletse, ho Johanne 14:12, "Ea lumelang ho 'Na, mesebetsi eo Ke e etsang o tla e etsa le eena." Na ho joalo?

215 'Me haeba Lentsoe le le ka ho rona, 'me re bolela 'Nete, 'me ke Lentsoe leo A le tšepisitseng kajeno, ka hona na ebe Lentsoe la Molimo ha le "bohale ho feta sabole e leolitsoeng ka n̄ga tse peli, 'me ke Moahloli oa mehopolole le merero ea pelo"? Na Bibe le rialo? Na baporofeta bohle ba ne ba ka lemoha mehopolole e ka—ka mohopolong oa batho? Na ho joalo? Hobaneng? E ne e le Lentsoe le neng le le ka ho bona, Lentsoe la Molimo la letsatsi leo. Le a bona? Baile ba netefatsoa joalo. Tseo e ne e le litokomane tse ba pakang. Ha ho le a mong oa bona e neng e le setho sa mokhatlo, leha a le mong, le ka mohla. Bopaki ba bona e ne e le tšebeletso ea bona.

216 Molimo o itse, "Ekare ha ha e mong har'a lona, e leng motho oa moea, kapa e le moporofeta, 'me seo a se bolelang se hlaha, joale le mo utloe, hobane Ke na le eena. Empa ekare ha se sa etsahale, be, le se ke la mo utloa." 'Me ha e a lokela ho ba hang feela, e tlameha kamehla ka linako tsohle; ho tsoa ho baporofeta.

217 Neo ea baporofeta e teng, e ka har'a kereke, e tlameha ho hlahlojoa ke—ke bahlahlobi, pele e ka bolelloa kereke, ehlile. "E ke e be ka pel'a baahloli ba babeli kapa ba bararo, 'me e ntano boleloa."

218 Empa moporofeta o tsoetsoe e le moporofeta, ea reretsoeng pele, ea khethiloeng pele. "Jeremia," Molimo o itse, "u eso ho boptjoe popelong ea 'mao, Ke u beile moporofeta holim'a sechaba." Johanne Mokolobetsi, lilemo tse makholo a supileng le leshome le metso e 'meli pele a tsoaloe, "E ne e le lentsoe la ea hooang feelleng, 'Lokisang tsela ea Morena.'" Le a bona? Ehlile.

219 Hlokomelang, joale, mohla Jesu a ne a le lefatšeng mona, O entse sehlabo sa pholiso le poloko. Na re lumela seo? Jesu a ke ke a fihla bosiuung bona ho u pholosa; O se a e entse. Potso ea sebe e rarolotsoe. Ke Konyana ea Molimo e nkang, e tlosang libe tsa lefatše. "O ne a hlabele makhopo a rona. Ka maqeba a Hae re ne re foliso." Ke lekhathe le fetileng. Ho sa tsotelehe u ka hoeletsa hakae, le hore u ka hoeletsa hakae, seo se ke ke sa thusa letho ho fihlela u se amohela.

220 "'Me ke Moprasta e Moholo ea lutseng letsohong le letona la Boholo bo Phahameng, ho etsa maipolelo holim'a boipiletso ba rona." U tlameha ho e amohela le ho e bolela. Le a bona, seo ke 'nete. Ho joalo le ka pholiso.

221 Empa ho kathoeng holane A eme mona bosiuung bona, a apere sutu ena eo A mphileng eona? O ne a tla etsa'ng moleng oa

thapelo? O ne u ka tseba joang hore e ne e le Jesu? Le a bona? Joale, ha motho a fihla a re, “Jesu, na U tla mpholisa?”

O ne a tla re, “Ke se ke e entse.”

222 Joale holane a le mabali a lithakhisa matsohong a bona; 'me mang a ka ba le hoo, le a bona, lebali lefe le ka ba teng.

223 Empa ke eng, u tseba joang, u tseba joang hore ke mofuta ofe oa sefate sa morara? Ke mofuta oa bophelo bo leng ka ho sona. 'Me morara o mong le o mong, haeba oa pele. . . Lekala la pele le tsoileng sefateng seo sa Morara, Jesu Kreste, ba ngotse Buka ea Liketso ho le latela. Na ho joalo? Haeba Le hlahisa le leng, ba tla ngola Buka e 'ngoe ea Liketso. Hobane haeba se behile merara, sa pele, khetlo le latelang se ke ke sa beha sirilamunu. Empa, sefate sa sirilamunu se ka phela ka mono, ke tholoana ea molamunu. Empa e a iphelela; e tla lula e hlahisa lisirilamunu, ke sefate se hlomathisitsoeng teng. Empa ekareha Morara ka seqo o hlahisa lekala, le tla beha tholoana e joaloka sa pele, hoba e tla ba Bophelo bo leng ka ho Jesu Kreste bo tla ba ka har'a sefate seo. Ke hantle.

224 Jesu o itse, “Ea lumelang ho 'Na, mesebetsi eo Ke e etsang o tla e etsa le eena.” Joale hola A ne a le teng mona, O ne a tla tsebjoa ka Bophelo ba Hae, le ka lintho tseo A li tšepisitseng mongoaha ona.

225 Ke ba bakae ba neng ba le mona maobane bosiu, ha re boneng letsoho la hau. Hantle-ntle kaofela ha lona, kea kholoa. Ho lokile. Joale ho na le batho. . .

226 E mong le e mong moleng oo, ho ea kamoo ke tsebang, ke osele ho 'na. Haeba e le hantle, phahamisa letsoho la hau. E mong le e mong ke e. . . Na u moeti? [Motho o re, “Ee.”—Mohl.]

227 Ke ba bakae kantle mono bao ke sa ba tsebang? Ho lokile. Ke le kopa feela ho ba le tumelo le ho lumela hoba ke le boleletse 'Nete.

228 Joale, shebang, Kreste O tšepisitse lintho tsena bakeng sa matsatsi a ho qetela. Joale, kea tseba le bile le bahlabani ba baholo mona motseng, mohlomong Oral Roberts, oh, le joaloka mofu Jack Coe le banna bao ba baholo ba tumelo; ba phetseng mehleng eo. Empa hopolang pontšo ea ho qetela eo lefatše la Balichaba le e boneng pele mora oa tšepiso a fihla mehleng ea Abrahamama, e leng ntata bohle, 'me Jesu o tšepisitse eona ntho eo; pontšo ea ho qetela e neng e bontšitsoe Kereke e khethiloeng, joale le hopole, e Mong o ne a le teng. Ba babeli ba theoha 'me ba rera Sodoma, ha ba bontša pontšo ena le ka mohla; le kajeno ha ho joalo. Empa ho Kereke e bitsitsoeng, pontšo ea bonahatsoa; 'me Jesu o porofetile e tla ba ntho e tšoanang, le a bona, Molimo o bonahalitsoeng nameng, le a bona, ho lemoha mehopollo e ka pelong. Le a bona? Joale, O tšepisitse seo! “Maholimo le lefatše li tla feta, empa Hoo ho ke ke ha hloleha.”

229 Joale haeba A ka bonahatsa seo, ho bontša hore O teng mona, ba bakae ba lona ba tla Mo lumela pholiso ea lona le eng hape eo le e hlohang?

230 Joale, Morena Jesu, joale e ho Uena, Ntate. Eng eo thato ea Hau e leng eona, e ke e etsoe. Ke mohlanka oa Hau. Bana bohle ke bahlanka ba Hau, kapa bongata ba bona ka mona. Bao e seng bahlanka ba Hau, ka Boteng ba Hau . . . ka ho tseba mohlomong pele ho hoseng ba tla lokela ho shalima sefahleho sa Hau. Joale U ka bososela holim'a bona ka mohau, empa U tla ba moahloli oa bona.

231 Ho ke ho etsahale, Morena, hore Jesu o tla tla har'a rona, bosiueng bona, le ho phethisa le ho etsa joaloka ha A entse pele ho thakhiso ea Hae; e tla ba kholisetso ho rona, ponts'eng ea litumelo tsohle tsa bahetene, hore Mopholosi oa rona ha a shoa, empa o tsohile bafung. 'Me kamora lilemo tse likete tse peli, O ntse a phela hantle feela phirimaneng ena joalokaha A entse mohleng oo. 'Me rona, joaloka ba tsoang Emmause, re re, "Na lipelo tsa rōna li ne li sa chese ka hare ho rōna, ha A ntse a bua le rōna tseleng?" Boteng ba Hau bo ke bo tsebjoie. Re ke re U bone, bosiueng bona, Matleng a tsoho ea Hau. 'Me hape batho ba lumele ke hona, Morena, ka baka la Boteng ba Hau bo boholo bo tlokomang. Re kōpa ka Lebitso la Jesu Kreste. Amen.

232 Joale ke beha moea o mong le o mong . . . E mong le e mong oa lona ke moea. Hopolang, ha u eso mpone; le bona lehaha lena la khale le tsofetseng mona le bolelang Lentsoe lena. Joale Lentsoe lena le tsoa ho Molimo, kapa che, joaloka la hau. Lentsoe lena le thotoa feela ka har'a lehahla lena, etsoe ke tla fapanyetsa ka letsatsi le leng ka le lecha le ke keng la tsofala. Empa, motsoalle, e mong le e mong, moea. Ka hona ha u nka khato, u a bona, haeba u nka taolo mono, u a bona, e a sitisa. Lulang ka khutso ruri, le be thapelong. Ke u batla . . . Haeba Molimo o etsa ntho, re lokela ho Mo leboha. Ruri. Mo roriseng, joale le apare hlomphe le lebele. Lulang le khutsitse ruri, 'me le lumele ka pelo ea lona eohle.

233 Joale lona kantle mono ba se nang likarete tsa thapelo, ho sa tsolelehe moo le leng teng, le mpe le lumele 'me le bue sena, "Morena Jesu, seo a re boleletseng sona, se ka Bibeleng. Rona . . . Kea tseba hore U tšepisitse seo, 'me kea tseba hore e lokela ho ba Uena. E ke ke ea ba monna eo; ke monna joaloka 'na, kapa joaloka molekane oa ka, kapa joaloka mora oa ka, kapa moena oa ka, kapa feela." Le a bona?

234 Empa neo ha se ntho, thipa, eo u e nkang 'me u tsamaea u etsa lintho ka eona, ke neo. Le leng la matsatsi ana, ke tla iphumanela tente e kholo 'me ke tle motseng, le ho lula feela likhoeli ka nako, le a bona, le ho ruta, le hona. Neo, ke ho itlosa tseleng, hore Molimo o tle o kene, ho bona seo O se bontšang, seo O se etsang. Neo ha se, "Ke na le matla a ho etsa *sen*a, ke na le matla!" Matla a hau a neo ke ho itlosa tseleng. 'Me neo eo Molimo a u fileng

eona, e sebetsa ka seo ke hona, le a bona, ka mora hoba u tsoe tseleng. Le a bona?

²³⁵ Joale, nke ke ka etsa hore A mpoelle letho. O tlameha ho e etsa. Joale ho boloka nako. . . Ke hlile ke siiloe ke nako.

²³⁶ Empa tloo koano, mofumahali, ke batla hore u eme hantle mona. Ke ne ke bua metsotsaana e seng mekae e fetileng ka mosali e mong. . . selibeng. U ne u le teng maobane mantsiboa? [Khaitsetli o re, “Che, monghali.”—Mohl.] U ne u le sieo mona. Na u kile ua ba ho e ’ngoe ea liboka pele? [“Che, monghali.”] Ha ke eso be teng pele. Lena ke lekhetlo la pele. Re basele. O ne a bile a le sieo maobane bosiu. Ha ho mohla a fuoeng litaelo tsa eona. Ha ho letho haese ho ema mona feela. [“Ke hantle.”] Joale re eme. U sa hopola pale ea mosali selibeng? [“E, monghali.”] E ne e le ntho e le ts’enola e kang ena, ’me Monna le mosali ba kopana khetlo la bona la pele bophelong.

²³⁷ Joale, mosali enoa o ne a kene, o ne a kene. . . O ne a tlotlolehile. O ne a nyetsoe makhetlo a mangata haholo, ’me a —’me a lula le monna a sa mo nyala, ’me—’me e ne e le ntho e mpe haholo. ’Me Jesu a bua le eena.

²³⁸ Joale le a hopola, O boletse, ho Santa Johanne 5:19, “Ka nete, ’nete, Ke re ho lona, Mora o sitoa ho etsa letho ka boEena; empa seo a bonang Ntate a se etsa, seo Mora o a se etsa.” Ka hona, ha ho mohla Jesu a kileng a etsa letho a sa bona ponong pele, kapa O boletse ntho e phoso mono. “Mora ha a etse letho pele A le bona le etsoa ke Ntate.” Eseng ho Mo *utloa*; “ho ’Mona a le etsa.” ’Me e tla ba Ntate. . .

²³⁹ O ne a lokela ho feta ka la Samaria. O ne a ea Jeriko, empa A nyolohela Samaria, motseng oa Sikare. ’Me A kopana le mosali enoa, ’me A qala ho bua le eena ho fihlela A fumana bothata ba hae. Eaba O ’molella bothata ba hae, ’me kapele, eena maamong ao, a elelloa hoba eo e ne e le pontšo ea Messia.

²⁴⁰ Be, haeba e le Eèna maobane, e tla ba Eena ka ho tšoana kajeno, haeba E sa le Eena maobane, kajeno, le kamehla. Na hoo ke ’nete, bamameli? [Phutheho e re, “Amen.”—Mohl.] Le a bona?

²⁴¹ Hona joale re kopana lekhetlo la pele. Ha ke Eena, ’me ha u mosali eo, empa E sa le Molimo. Ke hantle, u a bona. Joale ha u ka ba le tumelo ho—ho seo ke se bolelang, Lentsoeng! Nke ke ka bua letho haese se ka har’a Lentsoe lena. A ka etsa lintho tse kantle ho Lentsoe leo; empa ha feela A etsa Hoo, ke a tseba Hoo ho lokile, ka hona, u a bona. ’Me joale ha u ntsebe, ha ke u tsebe.

²⁴² Ka baka leo, haeba u ne u kula, ’me ka u bea matsoho, ’me ka hooeletsa, joaloka mohlabani eo e moholo, Moena Roberts, kapa ba bang bao, Moena Allen kapa monna e mong oa bao, beha matsoho holima hau le ho re, “Allelua, Morena o a u folisa,” ke botle. U lumela seo, ’me e tla sebetsa. Le a bona? Le a bona? Empa joale ho ka thoeng ha A ka ema mona le ho bolela seo u se entseng, kapa lebaka la hobaneng u kula, kapa ntho e ’ngoe e

etsahetseng bophelong, kapa ntho eo u neng u sa lokela ho e etsa? Oh, hoo hoo, u tla tseba hore taba eo e ne e loketse ho nepahala, ho hlaka hantle kelellong ea hau ke hona. [Khaitsemi o re, “Ke hantle.”—Mohl.] Ke hantle.

Na e ka etsa ea hau, kantle mono?

²⁴³ Joale ke bua le mosali ka eng? Le a bona, ha kea tsoellisa molaetsa oo bosiuong bona (ka fihla ho phehella), le a bona, o ne o tla nchocha ho rera. 'Me joale ke lokela ho khutlela temohong ea moea, ho iphomotsa, ke suthisetsa William Branham kathoko.

²⁴⁴ Ba bakae ba kileng ba bona senepe seo se katlalitsoeng mona Houston? 'Me lona. . . Le teng mona. Le kapele mona joale, le a bona. Le leketlile hantle kathoko, lipakeng tsa ka le mosali, hona joale. Ke Leo, le ntse le bilikana hantle. Haeba mosali a batlile ho e paka; o a tseba, metsotsoaneng e seng mekae ea ho qetela, ho hlhile ho kang maikutlo a 'nete a monate. [Khaitsemi o re, “Ee.”—Mohl.] Haeba e le hantle, phahamisa letsoho la hau. [“Amen. Amen.”] Le a bona? Ke Le shebile hantle. Le a bona, ekare ho phela daemensheneng e 'ngoe. Ke Le shebile, ka mosali.

²⁴⁵ Joale, mofumahali, ntho e le 'ngoe, o tšohile haholo. 'Me ke seo u neng u batlile hore ke se rapelle. 'Me ke mocha oa tlhaho hona joale ka lebaka la nako ena ea bophelo eo u phelang ho eona, ho fihla lilemong tsena le joalo-joalo, hoo ho u tšoarisa letsoalo.

²⁴⁶ Ntho e 'ngoe, u na le ntho lephakong la hau, e—e ka re ke lipokothoana tsa moea, joalo, li bokellana lephakong la hau. Joale na ho joalo? [Khaitsemi o re, “E, monghali.”—Mohl.] Phahamisa letsoho la hau, haeba ho le joalo. . . [“Seo ke—seo ke setatemente se tsoang ho ngaka.”] Le a bona?

²⁴⁷ Joale, le a bona, joale ntho eo ke eo hape, motho e mong o re, “O e hakantse.” Uena, ke tla hlhatsa motho eo, le leng la matsatsi ana, le a bona. U se ke ua e etsa. U ke ke oa ipata joale, hopolang, le a bona. E—e Lentsoe, Le teng mona, ka boLona. Eseng 'na, motsoalle; ke ngoan'eno feela. Empa Lentsoe le teng mona.

²⁴⁸ Mona, ke motho ea lokileng, ha re boneng haeba ke hakantse seo. Ha ke tsebe joale seo ke se buileng. E tla lokela ho tla ka teipi eo, pele ke e tseba. Joale nakoana feela. Ee. Ee, eena—eena o a tšoha, sesosa ke e—e nako, lilemo tsa hae le lintho. O a. . .

²⁴⁹ 'Me hape, ntho e 'ngoe, u entsoe e—e oporeishene. [Khaitsemi o re, “E, monghali, ke e entsoe.”—Mohl.] 'Me e ne e le taba e amanang le botšehali, nakoana e fetileng. Ke hantle. Seo se u tšoarisitse linerefe le ho feta pele. Ke hantle, na ha ho joalo? [“E, monghali, ho joalo.”] Uh-huh, ke hantle. 'Me hoo ho u tšoarisa letsoalo, hoba, ke nakong ena ea bophelo, u ateloa ke letsoalo le ho feta. Joale, u nahana hore ke ntse ke e akanya? [“Che.”]

250 Ntho e 'ngoe ke ena. Ho na le e—e ngoanana ea nang le uena, ngoananyana. 'Me o teng mona, 'me o tšoeroe ke litemetoane. [Khaitsetli o re, "Ee. Amen."—Mohl.] Na ho joalo? O lutse kantle mono. Le mosali ke eo, mosali e mong, motsoalle oa hau, 'me o jeoa ke khatello ea kelello ["Ee."], ntho e kang linerefe le kelello. Na ho joalo? ["Alleluia!"] Joale ha u khutlela morao, beha sakatuku eo holim'a bona; litemetoane li tla nyamela me o tla e feta, 'me u tla fola. E-ea, u lumela ka Lebitso la Morena Jesu.

251 Le a lumela na? E ne e le Jesu maobane, ke Jesu kajeno! Le tlameha ho tseba hore ke Motho e mong, le a bona. Ee. Motho e mong joalo. Joale, mono, sheba, mono e ne le ka morao ho 'na. Le a bona? Le a bona? Ha se . . . Ne nke ke ka etsa hoo. U—u a tseba e tlamehile e be Matla a mang, ha u joalo na? Na u lumela hore ke Morena Jesu, ho latela tšepiso ea Hae? Morena a u hlohonolofatse.

252 U phela joang, mofumahali? Le 'na ke osele ho uena, hape. Ha ke u tsebe. Ha ke eso u bone bophelong ba ka. Re basele. Ke khetlo la rona la pele re kopana, ho ea kamoo ke tsebang. Empa joale ha Morena Jesu a ka mpoella ho hong ka uena, ntho e kang ea mofumahali eo mono, kapa ebang e neng e le eng, na u ka lumela hoba e ne e le Morena Jesu sebakeng sa . . . E ne e ke ke ea e-ba 'na, u a tseba. 'Me joale u ne u ka khona, joaloka Bafarisi, ho re, "Ke Belsebule, moea o mobe."

253 'Me hobane ba bitsitse Moea oa Molimo, o neng o etsa mosebetsi oo ka ho Eena, e ne e le "moea o mobe," e ne e le nyefolo khahlano le Moea o Halalelang, e ke keng ea tšoareloa mohla Sena se fihlang tsatsing lena. Ka lona lebaka leo sechaba sena se ema kahlolong kajeno. Ha sea salloa ke letho haese kahlolo. Se tletse Jack Rubys, le joalo-joalo, ka hona se ke ke sa hlalohela ke letho haese kahlolo.

254 Joale u a kula. U tsoa ngakeng. O hlile a tla eletsa oporeishene. Oporeishene eo e holim'a colon. Seo ke 'nete, ha se eona? [Khaitsetli o re, "Amen."—Mohl.]

255 Ntho e 'ngoe ke ena. U na le tlhoko e kholo moeng. . . Esale u sa ikutloe hantle. U batla u tapile, hanyenyane, 'me u batla ho khutla. Be, u khutlile hona joale. Joale tsamaea, u lumela ka pelo ea hau eohle, 'me u tla fola, ka Lebitso la Jesu Krete. U tšoareletsoe libe tsa hau. Joale tsamaea, u lumela.

256 Joale, ha ke eso re, "libe li tšoareletsoe." O boletse joalo. Le a bona, e ne e se 'na. E ne e le Eena, le a bona.

257 U a lumela na? Joale e loketse ho etsa hore lona ba bang le tsebe hore ke Eena mona. Na ha ho joalo? Haeba le ka lumela feela! Eba le tumelo feela. Se belaele. Hlomphang 'me le lumele Molimo. Joale, le a bona, le ka pel'a Sefahleho sa Hae.

258 Joale, haeba e le 'ngoe ea litemoho tseo e entse hore Mora Molimo a re, "molemo o tsoile," le nahana hore e ka nketsa'ng,

moetsalibe ea pholositsoeng ka mohau oa Hae? Le a bona? E ne e tla ba, le tseba seo e neng e tla ba sona.

259 Nakoana feela, ha se mosali eo. Hela, uena ea sa tsoa folisoa, mono, mofumahali, ea khutlelang setulong sa hau, ntalime nakoana feela. Ho na le e—e monna ea lutseng hantle ka pel'a hau mono, ea nang le bothata ba mahanana, o lutse hantle mono. Ee. U a lumela hore Molimo u tla u folisa? U etsa joalo? Ho lokile.

260 Mpolelle seo a se amileng. Ha ke tsebe monna eo, ha ke eso 'mone bophelong ba ka. Haeba e le eona, tsokotsa letsoho la hau, haeba re sa tsebane.

261 Joale, sheba, le tle le tsebe se seng. Mosali oa hae o lutse pel'a hae mono, na u a lumela Molimo a ka mpoelle se phoso ka eena? U tla ntumela hoba ke moporofeta oa Hae, kapa mohlanka oa Hae? Na u tla e etsa?

262 O ts'oeroe ke hay fever. Haeba ho le joalo, phahamisa letsoho la hau, mofumahali. Ho lokile. Joale ha le ka lumela bobeli! U amile Ntho e itseng. Lumela joale, 'me e tla u tlohela.

263 Na u lumela Molimo? Se belaele. Eba le tumelo ho Molimo.

264 Monna ke enoa. Ha ke eso bone monna enoa. O monyenyanane ho 'na, 'me ha ke eso 'mone. Haeba re le basele, monghali, nqa e mong, phahamisa matsoho a hau. Ho lokile. Ha ke eso 'mone.

265 Joale ha re nkeng setšoantšo, ka Bibeleng, ha re nke mohla. . . mohla Jesu a kopaneng le Simone Petrose. Ha ke mo nahana e ka ba monna a ka bang lilemong tseo, moriri oa hae o e-ba mosesaane, mohla Jesu a kopanang le eena. Joale shebang. A bua le eena.

266 Joale, haeba ke sa tsebe monna eo, ha ke eso 'mone le ka mohla, bobeli ba rōna re phahamisitse matsoho a rōna holimo, re basele ka ho feletseng ho e mong. Joale, ba bang e ne e le basali, ha re boneng mabapi le monna enoa.

267 Joale ntalimeng, nakoana feela, joaloka moena oa lona. 'Me joale ha Morena a ka bolela ntho eo u e entseng, kapa ntho eo u neng u loketse ho e etsa, kapa u sa tlameha hore ebe u e entse, kapa seo e leng sona, u tla tseba haeba e le 'nete kapa che. U ne u tla tseba. 'Me hape ha A ka u bolella se phoso ka uena, kapa se lutseng kelellong ea hau, seo boloetse ba hau bo leng sona, kapa—kapa ntho e kang eo, ho u bolella se seng seo u—u tla tseba haele 'nete kapa che. Joale haeba A ka u bolella se bileng teng, 'me u a tseba haeba e le 'nete kapa che; haeba A u bolella se tlang ho hlaha, joale u a tseba seo e loketse ho ba 'nete.

268 Joale na seo se ka etsa hore bohle ba leng ka mona. . . Ho nka nako ea ka feela le monna enoa, le ho qoqa le eena. Enoa ke oa pele.

269 Joale le shebe nqa ena, nakoana feela, ha re ntse re bua. Morena a nthuse joale. 'Me na u lumela hore seo Bibe e se buang ke 'nete? [Moena o re, "E, monghali."—Mohli.]

270 U a lumela hore ena ke hora eo Jesu a tla tla ka eona; hore Kereke e fetile tokafatsong, khalaletsong, kolobetso ea Moea o Halalelang, joaloka piramite e kang eo e tlang? 'Me joale lejoe le ka holimo le tla lokela ho phetheha hakaale, etlereha Lejoe la Sehlooho le fihla, le tlameha ho momahana hantle le lona. Tšebeletso e tlameha ho qala *tjena*, le ho finyella palo e nyenyane ka linako tsohle, ho fetoha lihlotsoana, le sehlotsoana, ho fihlela qetellong Lejoe le teana le moaho. Ke Lejoe la Sehlooho, ho nka moaho 'ohle le Eena, e leng Kereke. Bohle bao ba tla tsoha, morao koana ho tloha tebelong ena ea pele, ho ea pele ho ea bosupa, 'me bohle ba kene Hloibilong. E mong le e mong o ne a baletsoe letsatsi la bona, 'me ba bile le bahlabolli ba bona le bathei, le joalo-joalo, ho theoaha joalo. 'Me tsatsing lena la ho qetela, e boetse e kena ho ntsu, e leng morao mongoaheng oa boporofeta, ho kopanya sena 'moho.

271 Na u lumela seo, Lentsoe le Lejoe, Ea tlang? [Moena o re, "Ke etsa joalo."—Mohl.] U arubetsoa ke maikutlo a matle haholo, monghali.

272 Joale, bothata ba hau ke bofe, u tsoa kotsing. Kotsing eo, oa na oa khangoa ka gase ea k'haboumonokosaede. Hoo ke 'nete. E u kentse chefu. Ea u kenya chefu sebeteng, 'me oa ba le bothata ka seo. Ua ba le bothata ka mpa ea hau. Ua ba le bothata ka pelo ea hau. ["Ho lokile."] 'Me oa tsoaroa ke linerefe ho fihlela u ikahela marang-rang. U mofutsana, u tlameha ho khutlela mosebetsing. Empa u tšaba ho khutlela mosebetsing, u tšaba gase eo ea k'haboumonokosaede. Empa ho tla loka. Joale, hopola, ha—ha Jesu Krete a ka mpoella hoba u mang, na ho tla . . . Joale lintho tseo e ne e le 'nete, ha ho joalo? Ha A ka mpoella hoba u mang, na u tla e amohela le ho tseba, le ho khutlela morao le ho khothala? Na u tla e etsa? Lebitso la hau o Mongh. Wagner. Khutlela morao, kena tseleng ea hau.

273 U a lumela joale? Ka pelo ea hau eohle, u a lumela? "Haeba u ka lumela, lintho tsohle li joalo. . . Tsohle li ka etsetsoa ba lumelang."

274 Joale na u lumela hoba Molimo o tla u folisa bothata boo ba bosali? Joale parola kalana feela ho re. . . ? . . . Amen. U a bona? Molimo a u hlohonolofatse.

275 Joale, mofumahali, ha u tsoha hoseng, u sataletse, u batla u sa khone ho tsamaea haholo, athritisi. Empa na u lumela hoba Molimo o folisa athritisi? [Khaitsemi o re, "Ee."—Mohl.] Ho lokile, u ka ikela, ho re, "Kea U leboha, Morena." ["Empa ke—ha kea. . . Hloka pholiso ea linerefe."] Ho lokile, monghali, ke eona ntho e bakileng athritisi ea hau, u a bona, e ne e le linerefe tsa hau. "Haeba u ka lumela, lintho tsohle lia khoneha," empa pele u tlameha ho e lumela.

276 O nahana eng, monghali? U lumela ka pelo eohle ea hau? U a lumela Molimo o folisa bothata ba pelo le ho u phelisa? [Moena

o re, “Ehlile ho joalo!”—Mohl.] Ho lokile, u ka ikela, ho re, “Kea U leboha, Morena Jesu.”

277 Joale, mofumahali, u siriloe ke seriti, hoo ho bolela mofetše. U a lumela Molimo o tla folisa mofetše? [Khaitsemi o re, “Ee.”—Mohl.] Ho lokile, e amohele 'me u ikele, ho re, “Kea U leboha, Molimo ea Ratehang,” le ho lumela ka pelo ea hau eohle.

278 Molimo a ka folisa bothata ba mala, kapa ntho efe feela. Na u lumela seo? [Khaitsemi o re, “E, monghali.”—Mohl.] Ho lokile, u ka ikela, 'me u nyakalle, ho re, “Kea U leboha, Morena Jesu.”

279 U a lumela Mollimo u tla folisa bothata ba hau ba bosali, ho rotha hoo? Ho lokile, u ka ikela, ho re, “Ho bokoe Morena.” Lumela ka pelo ea hau eohle.

280 U a lumela Molimo o folisa sinuse le asthma, le lintho tse na tsohle, ho u phekola? U ka ikela tseleng ea hau, u nyakaletse, ho re, “Kea U leboha, Molimo o ratehang.”

281 Holane ke sa re letho ho uena, ho u bea matsoho feela, u ne u tla e lumela? Ka Lebitso la Morena Jesu, fola. Lumela ka pelo ea hau eohle.

282 Tloo, mofumahali. U lumela ka pelo eohle ea hau? Maemo a phokolo ea mali le bothata ba pelo, na u lumela Molimo a tla u folisa? Haeba u etsa joalo, u ka ikela tseleng ea hau, ho re, “Kea U leboha, Morena Jesu,” le ho phekoloa.

283 Ho lokile, monghali. Tloo, mofumahali. Na u lumela Molimo o folisa lefu la tsoekere le ho folisa batho lefung la tsoekere? [Khaitsemi o re, “Ee.”—Mohl.] Joale u ka ikela tseleng ea hau, ho re, “Kea U leboha.” Lumela ka pelo ea hau eohle, u a bona.

284 Molimo o folisa matšoenyeha le bothata ba mala, hape. U a lumela O a u folisa? U ka ikela tseleng ea hau, ka nyakallo. E-ja sophoro ea hau, 'me u kothale.

285 Tloo. Mpa e linerefe, hape. U a lumela Molimo o tla u folisa? [Khaitsemi o re, “E, monghali.”—Mohl.] U ka ikela tseleng ea hau, le ho ja, le ho fola. Lumela ka pelo ea hau eohle.

286 Pelo ea hau e a rutla-rutla, empa hape u batla u le athritisi. U lumela Molimo, Molimo o tla u folisa? [Khaitsemi o re, “Ee, ke a etsa.”—Mohl.] U ka ikela tseleng ea hau, le ho nyakallau, le ho re, “Kea U leboha, Morena.”

287 Mpa e linerefe e hlahisa alsa ea mala. U lumela hore Molimo o tla u folisa le ho u phekola? [Khaitsemi o re, “Ke etsa joalo.”—Mohl.] U ka ikela tseleng ea hau, 'me ho re, “Kea U leboha, Morena,” le ho fola.

288 U na le lintho tse ngata, bothata ba mafumahali. E 'ngoe ea lintho tsa hau tse kholo ke bothata ba pelo, haholo tikolohong ea pelo ea hau. U a lumela Molimo o tla u folisa? U ka ikela tseleng ea hau, ho nyakalla, le ho re, “Kea U leboha, Morena.”

289 U a lumela Molimo o folisa athritisi? [Khaitsetli o re, “E, monghali.”—Mohl.] Tsoela pele feela, 'me athritisi ea hau e tla be e felile.

290 Na le lumela ka pelo eohle ea lona? Le a bona? Ruri hoo . . .

291 Joale ba bang ba lona kantle hara letšoele. Joale le apare hlompfo. Eba le hlompfo, lula feela ka khutso, u lumela ka pelo ea hau eohle joale. Shebang ka tsela ena, lumelang ka pelo tsohle tsa lona, ba bang ba lona batho ntle mono ba sa tlo ba moleng oa thapelo.

292 Moshanyana enoa ea lutseng tlase mona, thakanyana le boreleli le lutseng mono hantle. Na ha u bone Leseli leo holim'a hae? Mothoana o jeoa ke phio. Na u lumela hore Molimo o tla folisa bothata ba phio, mora? U a e lumela? Ho lokile, ema ka maoto a hau le ho re, “Ke a e lumela 'me ke a e amohela.” Ho lokile. Molimo a u hlhlonolofatse. U ka ikela . . .

293 Na U lumela ka pelo ea hau eohle? “Ha u ka lumela, tsohle li ka etsoa.”

294 Ho ka thoeng ka uena ea sa tsoa lula fatše mono, ho nyoloha le moshanyana e monyenyanane le ho lula fatše? Na u a lumela, bothata boo ba mahlo, Molimo u tla folisa bothata ba mahlo a hau le ho u folisa? U etsa joalo? Ho lokile, u ka fumana pholiso ea hau, le uena. Ho lokile. U lutse fatše feela ka nako e nepahetseng. Amen. U ka ikela hantle. Ho lokile. Ke botle. Ho lokile. Amen. Ho lokile.


295 Mofumahali ea pel'a hau mono, o jeoa ke hlooho. U a lumela Molimo o tla folisa bothata ba hlooho ea hau, mofumahali? [Khaitsetli o re, “Ke etsa joalo.”—Mohl.] Ho lokile. Ngoanana oa hau moo o na le bothata ba kelello. Ke hantle, na ha ho joalo? Beha letsoho la hau holim'a hae, le ho lumela, 'me o tla fola, le eena. Na u lumela seo?

296 Mofumahali enoa ea latelang ea lutseng pel'a hae, o ntse a rapela, pel'a hae hantle. O rapela mono ka lebaka la lelapa le arohaneng. Na ho joalo, mofumahali? Phahamisa letsoho la hau. Lumela, 'me lehae la hau le tla tsosolosa hape. Eba le tumelo.

297 Mofumahali ea lutseng pel'a hae o na le lethopa. U a lumela hore Molimo o tla folisa lethopa leo, mofumahali? Phahamisa letsoho la hau, e amohele.

298 Mofumahali ea lutseng pel'a hae o na le bothata ba 'metso. U a lumela hore Molimo o tla folisa 'metso oa hau, mofumahali? Phahamisa letsoho la hau.

299 Molato ke eng ka lona batho? Na ha le bone Jesu Krete . . . A re emeng ka maoto a rona. Emang ka maoto a lona 'me le amohele Jesu e le mofolisi oa lona.

300 Oho Konyana ea Molimo, ka Lebitso la Jesu Krete, folisa motho e mong le e mong mona, bakeng sa khanya ea Hau. 

64-0305 Phehella
Soul's Harbor Temple
Dallas, Texas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka printara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org